

建德縣志

建德縣志卷六

建築志

城院

署寺

局庵

所觀

處坊

會冢

館墓

校

堂

樓

閣

周禮冬官所以記建築也原編雖軼尚有攷工一記足徵遺法故漢之將作大匠六朝之水部明之工部其職皆屬司空清因明制工與兵刑並重於營造特別注意咸豐末屢經災變一切營造蕩然無存改曆後民困未蘇建築匪易但原有營造除廢廨外如城署等類其名雖殊其跡猶是要不可沒也志建築

城

建德城即嚴州城俗稱梅花城以臨江一段雉塹半作梅花形故也西南倚水東北倚山移城時原於興仁門東隅築作馬鞍形後人一例增高轉非緩急防水之意前志云有城無池麗以西湖道光志乃強以南臨大江東界碧溪由烏龍山發源分出長灣郎家隴匯興仁門外青雲橋下達江西控西湖北為城濠引烏龍山之水自拱宸門右環繞武定和義兩門由弔橋匯注

建德縣志

卷六

建築

城

一

金華集成堂代印

西湖為池甚者復以城內之東湖附之殊非此邦形勝之真今之疆圍猶故也故詳城之興廢而於池畧之

睦州城一作羅城(唐)中和四年刺史陳晟築周十九里高二丈五

尺濶二丈五尺

楊凌送客往睦州詩水闊尺南天孤舟去渺然驚秋路旁客日暮數聲蟬劉長卿送客至睦州詩遙

憶新安舊扁舟卻復還淺深看水石來往逐雲山入縣餘花在過門故柳間東征隨子去偕隱薜蘿間又送睦州孫沅詩故里歸成客新家去未安詩書滿蝸壁徵稅及漁竿火種山田薄星居海島寒憐君不得意步步別離難嚴維答劉長卿詩蘇耽佐郡時近出白雲司藥補清羸疾窗吟絕妙詞柳塘春水漫花隴夕陽遲欲識懷君意朝朝訪楫師杜牧奉酬邢歙州詩翠巖千丈倚溪斜會得嚴光作釣家越嶂遠分丁字水獵梅遲見二年花明時刀尺君須用幽處田園我有涯一壑風煙陽羨里解龜休去路非賒許棠寄睦守侯郎中詩下國多高趣終年半是吟江濤通越分部伍雜閩音晚郭雲藏市春山鳥護林東浮離未遠日日至中心

嚴州城南臨江西臨湖東北倚山(宋)宣和三年方臘既平知州周

格築即睦州城舊址縮為十二里二步有八門東曰望雲南曰定

川曰安流西曰安泰曰和平北曰嘉貺東北曰百順西南曰善利  
善利門舊有複城出溪湖間相傳爲鳳凰觜格悉平之  
爲城隅紹興八年知州董弇仍闢爲門還榜舊名今廢 嘉定癸酉

知州宋鈞復築踰年成凡東西八百二十有二丈南北三百四十

有四丈

方岳舟次嚴陵詩與雁分洲宿連雲做夢清江風花事老  
野雨客心驚潮急仍吞瀨更寒不過城子陵吾所躋蓑外

底須名

梅堯臣送余少卿知睦州詩青山峽裏桐廬郡七里灘頭

太守船雲務未開藏宿鳥坡原將近見燒田養茶摘葢新春後種

橘收包小雪前民事蕭條官政簡家書時到雲溪邊

陸游初寒有感詩橫秋吹水葉生洲身落窮山古睦州到枕雨聲醒客夢背牕

燈影動情愁氣冲牛斗有孤劍力挽棟梁無萬牛未滅匈奴身已

老此生虛負幄中籌

又守嚴述懷詩桐君故隱兩經秋小院孤燈

夜夜愁名酒過於求趙璧異書渾似借荊州

溪山勝處身難到風月佳時事不休安得連雲車載釀金鞭重作浣花遊

建德府城卽嚴州城(元)改爲路城仍舊至元間詔墮之

嚴州府城卽建安府城韓宋龍鳳七年元至正二十一年辛丑五月丁亥朔

建德縣志

卷六 建築 城

二

金華集成堂代印

守將李文忠築西北移入正東三百五十步正北移入八十五步

正南移出一百六十步

原按舊志正北移入正南八十五步正東移出一百六十步非是

周八里

二十三步六分高二丈四尺闊二丈五尺爲門五東曰興仁門南

曰澄清門西曰和義門曰武定門北曰拱宸門各有城樓護以月

城

惟拱宸門附山不設月城

水門四一在拱宸門西久塞一在建安秀山之間

名水岸門一在興仁門左舊有閘以司啟閉一在和義門南通西

湖東西北爲濠各一千一百有五步明因之弘治四年知府李德

恢修嘉靖三十九年知府韓叔陽知縣胡汝勵增築堞臺千戶邵

思軒督工

城碑云卓彼賢侯禦暴保民惟功期樹惠政並臻允矣厥績偉哉干城險可恃衛嚴瀨以寧

萬曆五

年知府楊守仁修

鄭善夫建德路詩小艇清江並孤城碧嶂防土宜多竹柏民業但耕桑稻熟完官早山深伐木

長經過數州郡淳樸見茲鄉孫一元別吳野航約遊嚴陵詩一曲  
清歌日欲晡寒雲漠漠亂薜蘿晚風江上人初別黃篾樓中酒漫  
沽凍樹裏花春有迹暮林無葉月平鋪明年淮擬桐江上共訪嚴  
陵舊釣徒唐仲賢城樓春望詩吳越東南一望賒祇看當境思無  
涯江橫石窟濤翻雪地近煙村徑繞花遠岫雲頭凝翠黛紺園樹  
杪出丹霞韶華滿目成傷感經歷乘除總莫誇黃端伯建德道中  
詩青天霜氣迴匹馬立平沙遠道風千里寒城月萬家亂山盤徑  
險深樹引隄斜夙昔悲秋意偏於作客賒程敏政嚴州道中詩山  
遠沙平水似煙篷窗贏得枕書眠暖風一日初黃柳好雨連宵賸  
綠田傍岸鳧鷖如送客誰家雞犬不驚船相看便有江湖戀耕鑿  
娛親在  
幾年  
崇禎十六年知府胡崇德如甄五尺十三年知府許國士  
修縣紳柴挺然記余嚴控浙上游地湫隘城每依山作險國初爲  
元勛賜沐地故其制特以百雉雄士嗇民醇誠四塞之區也郡  
伯許公奉天子詔來守余嚴五載清風六城甘雨政通民和蓋已  
士穎於庠兵閑於伍農耕耨於郊商賈懋遷於廛不啻衆志成城  
而無形之金湯屹如矣頃緣流氛內訌用戒不虞聖天子未雨綢  
繆勅天下所在郡邑各增城高壘儲粟練兵以爲固守計而直指  
巡方周視以殿最聞檄下許公思年來帑匱民勞竟毅然捐俸發  
鏹給糈鳩工集事即一甄一艘不取之民而民之一揀一畚未嘗

建德縣志

卷六 建築

城

三

金華集成堂代印

空疲其力悉計值計晷以授焉第擇醇謹者十九人分督五門公  
餘登城躬相慰勞而率諸良者如父兄之規子弟於是侯疆侯里  
以樂事勸工不浹月而高墻深壑次第竣事落成日公偕諸僚屬  
暨諸戎弁登樓而誓曰無事謹啟閉有事嚴旌旗夜則鳴刁斗願  
諸君子相與有成焉因進諸良者榮之以匾笥諸良者衛切身家  
愛深醇續相與貞珉勒石而徵記於余余時恩賜膏養欣逢其會  
躍然曰此許公之廕余以桑梓而庇余以戶牖也其何敢辭公之  
實心實政如急公體國重士育民除耗革羨賑糴給儲禱旱禳災  
余別有紀載德政碑即邇之奉勅唯謹積廩倉練鄉兵飭武備肄  
豐相亦俱不贅詩不載烝民之什乎周宣撥亂中興而城齊之  
役推仲山甫然保王躬補王闕豫於一人如許公者行見直指最  
聞而出刺斥堠者入相天子柱石天朝公之德公之職也余與諸  
君當展秉懿之好而嚴之世世清順治六年知府錢廣居知縣  
尸祝者應與此城共垂不朽云

鄭應臯繼修康熙十二年知府梁浩然知縣項一經同修二十一

年大水知府任風厚修二十五年又水任風厚偕同知張超越通

判王嘉植知縣戚延裔復修雍正三年知府張芳捐修乾隆九年

大水知府富紳同知王元知縣上官德輿請帑重築增高東城五尺下建水閘十九年知府吳士進同知史鳳輝知縣王寶等勸修以詹肇衍黃國誌徐時顯楊紹慶等董其役張起運施世榮王勳夏長慶夏餘慶張德泰程五福姚廣凝等爲捐輸員二十四年又修嘉慶元年知府張愈聚知縣費奎勳請帑銀玖百玖拾玖兩於

四年興修十九年知府福珠隆阿知縣張四箴請帑銀伍百叁拾

玖兩重修

詹嗣祿登郡城南樓詩隨興登臨實壯哉江樓好景共徘徊山懸飛瀑蒸雲溼春到名花冒雨開二水縱橫縈

岸曲雙峯萃律擁城隈間吟正值斜陽暮樵牧相逢一笑迴計楠嚴州行昔者藩王封此邑梅花爲雉石爲堞青溪如駛繞城來萬峯峭立土磽瘠一分田地一分水八九分山如劍脊畝心畦畔高復低節節層層作梯級生涯種植兼牧樵牛掣水碓遍山隰地產只供三月糧米鹽布帛他方入只有江山一大觀灘聲百折雲千疊東湖西湖隔一城南峯北峰聳雙塔近廓烏龍山最雄羣山環

建德縣志

卷六 建築

城

四

金華集成堂代印

峙若拱揖中流一線接海門下連於越上婺歙唐宋以來名宦多杜劉范陸蹤相接復有神仙與高士桐君子陵傳簡牒方干謝翱隱者流里居墟墓志乘輯此地由來名勝區就我見聞記遊篋梅花殘雪早春天客館燈殘人孤寂伴我長歌復短歌風聲雨聲兩相接吳錫麒贈王廷勳詩離家三百里來與山水期建德非吾土孟公語何悲我交王大令所喜情不違東軒爲下榻西舍爲治炊令子未弱冠佩玉有容儀一甥如舅長早能讀舅詩樹木已長成不用相扶持君於聽訟下時一來銜卮君官亦自貧我貧特甚之相與話蹤跡滔滔無畢詞君才信英特我學徒毛皮讀書我則能讀律我不知然知有赤子所當慎鞭笞嚴陵好山水不能療寒飢以我飢寒故彌爲當境悲山田歲苦瘠公家賦易虧桑柘見尚稀無蠶安得絲牛刀付庖丁宰之惟所宜聞君到縣日人訟慈惠師其名不易副其實亦易爲但甘推科拙要以文學治清風吹廣袖寧有丞尉疑白日照公庭寧有胥吏欺此心一鄭重民已無瘡痍知君自仁愛我語聊獻規春雨昨朝過炊煙動茅茨盈庭草新長雜樹花更滋堂前罷公事長此鳴琴時堂後讀書聲美哉騏驥兒爲吏盡如此此樂不可支

建德縣城卽清嚴州府城道光元年知府孫德涵知縣周興嶧請帑

大修涪州高益增暨縣紳呂廷黻湯啟銘方佶董其事共用銀貳

萬壹百叁十肆兩零踰年迺成

興嶧自記古之樹封域者類無不相其形勢面其方隅審向背之宜

究隆替之兆故公劉之度豳原涉岡遡澗衛文之徙楚邱升虛降

桑非徒奠衡宇鳩黔黎也將以乘地脉起人文造鍛厲之器而樹

琴瑟之材則夫三仞之闕十夫之關履之所即氣從而入者不尤

關人文之通塞兆地脈之旺衰哉嚴之有城始自春秋吳越之分

至漢以富春著名綿歷千載環雉未移而興仁東門外向直震位

改啟月城巽隅者則自有明之季始夷攷勝朝中葉彥章抗節元

吉著書侍御埋輪中丞折檻茲土之人文可謂盛矣安於其盛則

門猶不改其季也中原多故川谷之間衣冠扼塞故家喬木亦稍

陵夷衰微矣衰則思所振之門於巽將徵文焉而會丁下元東南

之卦氣適轉其衰一改之後卜不習吉無怪乎六月之息垂翅天

池至於今眇振也夫嘔輪吐萌陽氣造端斯發生之地也木華於

春粟芽於室斯又發軔之機也矧復正對一屏台垣顯立高揖一

峰貴曜轟起橫抱一沙廻流隱護翼拱一亭秀氣挺出若是則舊

門宜嘉慶庚辰予來宰是邑其明歲道光之元會承葺城工日走

畚揭間邑紳士呂廷黻湯啟銘方佶及予甥蜀衿高益增與有勞

一日工次其地告予曰門之遷前事之愆門之復後來之福廢久

建德縣志

卷六

建築

城

五

金華集成堂代印

則興惟公乎是承予頷之請於郡得允詢於衆樂襄以貲不脛而  
至者鏹數百仍屬諸君子董事即城之役益材增工以堙以闢不  
匝月而還舊規迺諸君子於門之巔而祝之日此一百八十年  
人文之運所為由盛而衰由衰而復盛者在斯門也邦人士其亦  
勵行驚學勉自樹立以無負斯門之改為也若夫戶息之滋殷歲  
物之滋阜則又君宗廬旅棹栗椅桐以供邦人士揚風而挖雅者  
未有艾也衆曰敬如公祝請  
書之遂書諸石以驗方來  
城外面七十二段長二百十丈裏面

八十段長四百二十三丈女牆三百二十七丈二尺堦口一千五

百零三城樓五座月城樓四座營房六所水門洞三處上城馬道

十砲臺二十二改復興仁門之月城門向東

縣人童占元立向論辨方定位營建所首

重也凡立都邑自必辨正四方之位以啟城門即省會之地土廣  
民衆有建至十門者亦先定東南西北之正門因利乘便迺立隅  
門通行旅財貨之往來未有舍正方不由而偏啟隅門如郡邑之  
東城門外也夫曰東門門自宜東格對舊址正與內門相準乙向  
兼卯三分後天卦位為震易曰萬物出乎震震東方也天地之氣  
機萬物之生發人民之興作胥於是始從而閉之是無東門矣門

可不由舊乎以形局言之前臨通衢大道正無偏右首城脚餘地緊作下關當面文昌閣前砂地過宮環抱八角亭聳峙鎮內水口南岸沙地貼伏於右大江與橫港之水不見其去過江朝山端嚴拱向江水凝注於前形局之佳勝西北遠矣言乎水法郡龍隨行之水收納尤為緊要穿貫天盤正針之乙卯三即縫針之卯八乙二雙山流行甲卯同宮甲卯乙木之氣生於亥旺於卯歸右而去不見出口此正郭氏所謂朱雀源於生氣朝於大旺流於囚謝也若夫今門己向兼巽三分前無通行之路既非往來所必由又無明堂水局面對大江去水南岸尖沙竄射入懷與八角亭餘地交牙開口內勢直出橫江之水斜飄飛走對岸朝山適當兩岸交界之空缺何取諸此而易斯門也意者有惑於坐山三合家坐生迎旺之說歟不知亥入坐下卯木氣即不流通向上巳巽同宮已為庚金之生氣丁火之旺方當面直去生旺俱消左首丑寅墓絕等水反上堂矣葉上注釋葬經有曰何不言玄武源於生氣可知坐下論水之說必不可從也

實合郡攸關衆目所覩非敢有心抑揚也

五年知府聶鎬敏重開

建德縣志

卷六 建築

六

金華集成堂代印

加以七十餘年之事迹紀載而為文更減於舊志夫事增文省善歟蓋城者積陰之氣也固圍以城在於據形勝通氣以門在於相方位營建之志首載嚴州府城池初築於唐中和時重築於宋宣和三年有八門東曰望雲南曰定川曰安流西曰安泰曰和平北曰嘉貺東北曰百順西南曰善利紹興嘉定一再修而元因之此明以前之古城與今城之門不相符者也其曰名洪武初改築西北移入正東三百五十步正北移入正南八十五步正東移出一百六十步門有五東曰興仁南曰澄清西曰和義北曰拱宸西北曰武定此其所紀之門按以今城之門誠相符矣然竟謂移城時止此五門則攷之未詳也鎬敏自道光二年夏來守是邦迄今春已三更歲簽猶憶蒞任之初周覽城郭有告余以明季曾將正東門改向東南至道光元年修城始復正東旋又以傳聞舊城設小南門迤後封閉告余者而向南止見一門志乘固無其名巡歷街市則別有一街爭呼小南門之名而後知西有小西門南亦有小南門名不虛立也詢諸父老詰以小南門之或有無孰啟孰閉僉稱文既放失獻亦遼渺小南門誠為先設後閉之一錯六州鐵不能鑄然實無考信之具久喚奈何予察其悔恨之意有難為畫一籌者忽思及魚鱗冊向縣提閱則二百二保地字二百三十九號二百四十號俱土名小南門固與字二百二十一等號土名大南

門宇字一百一十等號冊沿為萬曆之舊以斯考信若創獲也冊修  
 兩相形而名始定鱗冊沿為萬曆之舊以斯考信若創獲也冊修  
 於雍正七年止詳號冊沿為萬曆之舊以斯考信若創獲也冊修  
 之遷改原委攜至小南門街按號勘丈即城根徽州會館地址而  
 後負城基前面街心別有瓦屋一間祀財神像橫當其衝入門視  
 之石香案巋然在焉上題大明崇禎七年歲次甲戌仲夏吉立十  
 四字一似此廟以前無疑矣於是登城四顧形勢歷歷為之慨然太  
 辭必在崇禎以前無疑矣於是登城四顧形勢歷歷為之慨然太  
 息爰集父老於郡城隍廟而語之曰君等亦知明初移城設門之  
 精意乎從北移出南直臨新安江取以水為池之象也從西移過  
 東近接對岸來曾之婺江取兩水會合之情也婺江為本省金衢  
 台溫處五府外省兩廣湖南江西福建之孔道非若新安江之出  
 自徽州一郡開設小南門與婺江相向使有情來會之水更以關  
 戶納其欵且便往來商旅就近泊使舟楫用濟之衆咸以帶闡  
 聚其勢也迎受者弘流通者廣小南門之利賴居多有明一代六  
 邑殷富其在斯乎即三元宰相第之盛官階之顯徧六邑亦在  
 斯乎若之何以必不可閉之門而竟閉之我朝重熙累洽日麗中  
 天之景運也一百八十年來嚴州府之廢墜無與修即否塞莫由  
 啟殷富者胥轉為貧困商旅貨殖過而不留生計蹙矣求其如商  
 文毅之人品學問勳業風節固無其人而科第不盛官秩弗顯六

邑土氣蔥然矣君等亦知小南門之害一至於此乎興利除  
 害是予之責予不忍嚴州土民之受害長此終古也近歲河防漕  
 運工費浩繁修復小南門特偏隅瑣務耳自不可以是請國帑然  
 苟能量力公輸衆擎易舉予當亟為詳請立案且出廉俸以倡之  
 予不忍嚴州土民之受害長此終古也言未已父老皆伏首謝曰  
 此吾儕之幸也明日具辭籲於官傳述徧於道路無城鄉之分無  
 首邑外邑之分鼓舞響應扶老攜幼載囊荷畚鍤輻輳郡城各  
 按鄉庄派舉董事請諷吉於三月中旬立夏前興工其日壬寅其  
 時丁未取陰陽家天德月德在壬天德合月德在丁之吉占一時  
 士民聚觀以萬計予會同在城文武員弁焚香酌酒於城門舊基  
 而畚鍤齊舉幾無容趾之地不轉瞬而暑然洞開舊城門之石暈  
 隆隆作弓勢者尚存亟命留之以志五百年門仞匠斲之遺迹其  
 扉扇封築土中木朽化為泥而裏門之鐵貫鐵之釘檢拾盈筐繡  
 蝕破碎重四十八斤有贏亟命貯之收入府庫以為既閉復開之  
 徵驗是日微陰當告奠時忽散雲翳露霽日咸稱  
 瑞應歡聲雷動予欣然記此以補舊志之闕略

觀和知縣謝曾祺修

知府陳泰來記嚴郡據浙西上游當婺歙之衝地利稱雄中權扼要設險守國城實賴然

溯自吳越以迄有明城之建置沿革十有三前人經營扞衛不遺  
 國朝自順治六年至道光六年計凡十有三前人經營扞衛不遺



餘力豈不以經國弘規非尋常修廢舉墜比也道光癸巳予調守是邦見城垣逐漸傾圯求其故則以道光戊子甲午兩遭大水搖潦蕩齧土鬆石泐天實爲之所望人工之補助者甚急當即兩次勘估會回疆及本省海塘諸務浩繁不敢上請又以水災後民氣未復屢經僉謀躊躇不敢發戍冬予調取入覲代權守爲蜀中樂齋余公集議捐修逮旋任版築興矣予乃嘆余公之勇於任事而又喜紳耆士庶之急於趨公如此也第倡始難圖終亦不易余公旣爲其難予何敢不勉爲其不易爰接踵而經理之籌款核工矢勤矢慎凡用白鏹若干有奇自己亥二月閱庚子十月告成詳請上聞於朝得旨優獎議叙如例乃復召諸君子周歷各門登臨四顧氣象巍煥樓堞森然諸君子推爲予功予亟起而謝之曰夫何敢夫何敢第是役有數美當權陳之夫郡城保障一方宜嚴整以壯規模失今不治日朘月削後舉費益不貲一也當頽廢時間遇穿窬乘隙竄逸每致案懸被議今乞崇墉僅加扁鑰官民俱得安堵二也海氛不靖諸衝俱增堅築厚嚴郡固萬無意外慮而未雨綢繆有備無患屹然爲江重鎮三也歷年緩圖冀紓民力此次踴躍輸將不但知蓋藏漸裕而好義急公情大可見重爲斯民慶抑亦守土者之光四也郡屬凡援例納職監者遇地方公舉輒爲集腋計今卽以捐輸得議叙旣益城工又荷品銜五也汪明府陳慥使予等未便爲將伯之呼乃大力負趨援臂一助鉅工刻

建德縣志

卷六 建築

城

八

金華集成堂代印

期葺事六也餘資二千緡發商生息備作歲修無煩別籌款項七也四方觀者同聲褒贊歸告其官長與父老咸得動其好善之心八也夫具此數美余公經始之諸君贊襄之予不敏雖効尺寸之勞亦職守所當勉顧以爲見功地也夫何敢諸君子曰聞命矣請卽以是壽之石 咸豐十年署儒學徐子晉以東門直射砂勢壓胸請依舊址改亥山已向兼乾巽知府伊念曾擬修開辦未數月以粵亂停工同治元年知府曾承禧知縣李長齡繼修三年春協鎮朱祖貴以建勇截餘存款令都司夏鵬萬會同知府李毓英知縣熊紹璜

建南門內外兩飛樓十二年知府宗源瀚請帑錢貳拾餘貫飭經歷蔣星瑞典史李奎釗委員楊馥單培鼎暨縣紳張筠張心毅吳貢書陳元善柴望元嚴正源朱杭王燮奎等監修改小西門月城

爲丁山癸向兼子午

知府宗源瀚自記浙遭粵寇之亂剗除盪滌民氣漸完一二不逞馴習凶狡潛蓄詭異亦

往往而有然起滅皆反掌間耳未有以陷郡縣聞者同治十一年五月嚴州乃以城圯未修有匪徒夜入郡城焚殺之事城郭之係顧不重哉嚴之城創於唐改於宋自順治以迄道光無代不修同治初年粵寇竊踞飛礮薄圍樓櫓皆廢寇退而水又大至傾圮遂多時越十載郡更八官屢議修築率以工鉅費繁而止十一年歲在壬申源瀚來守茲土甫下車詢民疾苦僉以修城請曰城郭不完風鶴爲警吾民之居者皆重足商者不敢藏於市農者慮啟戎心而妨耕作蓋朝皇皇而暮岌岌也源瀚迺請于中丞楊公方伯盧公給官錢興工經營規畫自五月至八月而工竣以方計者外牆二十五所內牆十七所縱橫一丈爲一方凡三百五十六方以丈計者女牆四百六十五丈城堞一千六百丈城樓營房內外門悉具用錢一萬緡有奇舉酒落之官民咸有喜色且謂不可無文以記予維枕山臨江江水暴漲水輒與城齊野樹叢生又往往疊穿而石裂城之應修詎止於是况乎燹餘凋瘵土瘠民貧闢汚萊而阜生計享樂利而親長上人心之城堅於金石所屬望於居是邦與官斯土者蓋無窮焉用識緣起以諗方來

光緒二

十七年知府劉宗標再修自記今年五月初八日大水三次灌城

退內外城垣坍塌數十處梅花堞傾圮尤多與署建德縣尹令

建德縣志

卷六 建築

城

九

金華集成堂代印

月初旬告竣各門城樓營房概行修葺共用錢九百緡有奇當時派勇幫工則有戴參戎承鳳率勇挑泥運石則有哨官余家俊劉燃焜等分段委員則有焦鍾澤蔣本鰲盧紹志李應隆等至於採買甄石幫同照料則嚴紳正鵠用能工堅費省速底於成爰記其事而勒之石盛慶蕃詩冷官到此暫爲家形勝天成儘足誇湖設東西塔南北滿城繡出白梅花疊嶂層巒氣象雄我來猶得仰高風富春偉跡傳嚴謝

宣統三年秋知府余炳文撥釐局善後項下

銀圓壹千餘元又修民國五年春知事夏日璈以堞樓失修奉

令毀去四處澄清及福運兩樓由市人力請保留釀金自修

按清道光元年所修城垣裏外段數係遵舊志證以幾何原理似誤又城上梅花堞連倚山一帶矩形堞在內共一千三百零五箇雖間有殘缺而遺址猶歷歷可數

署縣治舊在字民坊宋時建元毀於兵明洪武三年知縣劉復禮

始拓其基萬曆十年知縣余汝爲以儀門左爲土地祠大門西爲親賢館易門爲鼓樓改建架閣庫於主簿廡之前以大堂之

西爲耳房庫於川堂後爲廡舍榜曰冰玉堂明末堂圯清順治八年知縣鄭應臯建大堂十三年知縣張文韜增建兩廊康熙六年知縣胡應華復建廣益堂於土地祠前十九年知縣夏景松建平廳三間於冰玉堂西二十一年署縣事衛參軍李夢鸞改建大堂儀門是年公堂衙署牆垣俱圯譙樓亦毀知縣戚延裔重葺五十七年庫毀知縣薛景珏又建咸豐辛酉毀於燹同治未充作罷民國六年以其基改建森林學校今之縣署乃舊之府治其他機關或租或借不可不志

### 建德縣公署

在純孝莊卽清嚴州府治民國二年縣知事余重曜

改修譙樓奉有倉聖

樓東爲忠靖王廟

由甬道行數十武爲二門

向稱儀門清季

以避宣統諱改今名

偏東爲模範桑園 距二門不半里爲大堂堂東爲徵收處以原

有官廳簽號房及土地祠改設西爲官營產事務所由驗契所改設堂後爲宅門川堂在焉川堂偏東爲候審所偏西爲回事處川

### 建德縣志

#### 卷六 建築

十

金華集成堂代印

堂少進爲二堂檢察預審審判開庭胥蒞於此二堂偏東爲收發處又東爲廚房偏西爲自治辦公處二堂後爲各科主任辦公之所乃向所稱爲上房者偏東爲參議會 停辦後改爲內廳 偏西爲舊刑錢幕室今改爲承審員辦公室老屋三楹屢修屢圯相傳舊名聊齋卽蒲留仙游幕處前爲希范堂園林花鳥別饒勝趣內有孕春亭四壁空明春秋佳日知縣事者往往觴詠於此

### 建德縣監獄署

舊縣獄在舊縣二門西今在將軍衙以清之遷善

所改設中劃一部爲看守所兼賃鍾山考寓三楹設有監獄工場

早作晚停

### 建德縣奉祀官署

未建

局 舊有織染局雜造局  
兩處見萬曆府志

嚴東關統捐局 在東館離城四里

建德電報局 在廟街現租民房

嚴州郵政局 在西門街現租民房

建德縣因利局 附設商會現裁

所 舊志稱所者縣僅一講約所改  
曆後機關多以所名因列之

建德審檢所 在縣公署西首希范堂現裁

建德縣警察所 在儼石巷東即清嚴協署

舊嚴屬清理官營產事務所 在南周廟街現併縣署

建德縣第一貧民習藝所 在三元坊租用宣靈廟民國七年冬由

建德縣志

卷六 建築局

十一

金華集成堂代印

所長唐雨時將廟後空基增建辦事室三間零售處三間

建德縣勸學所 在仇池隲民國六年五月所長錢錡以文昌宮改

設并修東西廂房各三間

建德縣通俗講演所 城區在勸學所內鄉區無定點

建德縣蠶業傳習所 在西門街附設惠英女學校

建德縣驗契所 在縣公署

嚴州查驗所 在東館清同治初移設窄溪十三年仍移今處光緒

十七年鹽大使俞午官撥款建立碼頭民國一年三月缺裁三年

照舊分設

菸酒公賣兼捐稅稽徵所 在石板井暫租民房

警備隊分駐所 在三元坊現移防去

處 新設自治辦公處乃由縣議會停辦後選派委員  
助知事幫辦地方行政即籌備自治之機關也

建德縣自治辦公處 在縣公署二堂西

建德縣徵收處 在縣公署大堂東

建德商事公斷處 在商會

會 地方各級自治會已於民  
國三年一月奉令停辦

建德縣議會 在舊縣治左首暫租民房現停

建德縣城區自治會 在福運門內范公祠現停

建德縣參議會 在縣公署現停

建德縣教育會 在仇池隄民國六年會長包汝羲以文昌宮改設

建德縣志

卷六 建築處

十二

金華集成堂代印

建德縣農會 在西湖民國三年會長王韜以舊寶賢書院改設

建德縣商會 在東門街民國六年十月會長王慶蕪創建自記商

衰其效極於國民生計而其樞紐實寄諸商會自阜貨行布以及  
徵價之賈結信之劑璽節之出入淳制度量之異同無一不當過  
問焉者是亦劬矣夫事之相須也殷則事之所自不容苟簡建  
德據浙水上游西涉新安南達衢婺舟輿雜遝人物闡溢於商業  
宜自宣統二年夏始有商會草創之初未遑卜築賃古越公所為  
之形束壤制一切遷就匪云給也丁巳春浙軍之分駐梅城者介  
越人以假館請爰屬同人謀之僉以為賦新宮便若司勸募若職  
董督議既定則經營相宅於城之東街面山枕湖南旁孔道度其  
址廣袤合度撤而新之攻石攻木各程其功經始於丁未之秋閱  
歲而葺事崇墉屹然複室相瞰門左右有塾閭人於以稽出入焉  
稍進有堂樓其上治事之所也又進為正乙殿商人所永供香火  
者也有序有廊有庖有滷副室溷軒所需罔勿備以肅賓客以布  
几筵以句當公事今而後給可知也是役也為費都七千金以上  
理事鳩工理材勞勤可念而婁解橐中裝襪至輻湊以竟厥功商  
人之好義輕財亦豈可多得者書而鑱諸石使後之事  
於是知作室之所始益以勤慎商務之盛庶有加靡已也

館 萬曆府志有定川館  
在定川門外臨歙江

校士館 舊志在察院行臺東郡城向無試館搭廠校士明崇禎間

縣紳宋賢捐資叁千金創建

提學道王應華記余讀子輿氏之言曰士何事曰尚志而知志之為烈也

大矣是以志存乎致主即批鱗伏蒲不為激志存乎澤民即救溺拯飢不言勞卒之志成天下頌之余奉簡命校士兩浙至嚴陵而

如見宋又希公之志焉其建校士館也人以爲公之功余獨以爲公之志志維何曰公昔爲諸生時見督學使者之按茲土也三載

兩試時無試館一切取之民間爲簞爲椽爲木爲竹爲几爲凳爲筏老者弱者負者戴者裹糧而至鱗次而集夏之日揮汗如雨冬

之朝手足龜裂吏徒訶誚罔或恤也用是惻然動於中以爲校士而困吾民若此也欲白當事者建校士館焉而時事孔棘莫之能任

嗒嗒久之乙卯公登賢書壬戌成進士遂自謂可成吾志矣筮仕海虞繼補魏邑埋都亭之輪乘雁門之節二十餘年俸之所入貯

之匣中以畀郡邑守令估值鳩工構材關土不踰月而崇墉櫛比堂廡秩如試事所需罔不畢具昔之擾諸民者今則一介不取巷

陌之間喜相屬也予來嚴者再登堂矚目見夫崇隆其制巍煥其觀丹楹刻桷聿然一新諸文士循序而進彬彬儒雅展雕龍之手

建德縣志

卷六 建築

館

十三

金華集成堂代印

舒揆天之才欣欣然以爲非宋公之功不至此而予則謂是宋公之志至今而始成也公前執法臺中忠謨侃侃時動皇鑑念及桑

梓解絹賠苦特疏改析非范文正公所云居廟堂之上則憂其民處江湖之遠則憂其君此物此志也聖治日新文風日振嚴之士

民頌德無窮將千百禩而如見宋公之志敢辭一言不以紀其盛乎爰拜手而壽之石 清順治間督學張衡

捐廉倡建內署

蔣鳴梧記國家取士之典始於歲科試升於鄉會以至大庭之對其上者讀中秘之書儲公輔之器

次亦爲錢穀兵刑之吏列宿之臣而州縣之長也其餽於學宮者復歲貢於朝爲師儒董率之職蓋其法皆由於督學之校士始然

校士之人每以一日之間品題數千百牘等其甲乙而別其妍媸則心勞而神瘁若所居湫隘則益無以舒暢其禁懷而日操筆弄

鉛於瑣窗行墨之間將所困者在心目而所失者不在人才乎故曰君子必有游息之高暢之區者此也余爲童子時見學使者按部

於睦苦無專館以爲試所往往借直指之署臨期蓋紮棚舍爲生童坐席之號暑雨寒冰上漏下溼就試者艱辛萬狀後崇正癸未

鄉先達中丞又希宋公致政家居慨然捐貲創建試士之館凡門廡庭堂以及燕居之寢閱文之軒庖廚溷洳之室規模始備繚以

周垣防以棘茨而試事始有專司督學按部始有專署然基地之民間不能強其多售故內署以淺陋爲嫌不特無高暢游息之

處至盛署隆冬幾無以安行李而容僕從此誠有待於後來者矣  
今張公晴峰之督學吾浙也嚴以課士精以較文兩浙之士沐浴  
其光華而景行乎山斗者彙所頌詩詞以歌咏之余辱陪臺省遯  
聞其風化以爲聖朝命官督學爲取士之始如張公者不誠吾浙  
之大幸也哉適郵筒南來梓里士大夫以書告余曰張公視學於  
睦拔孤寒正文體取士咸彬彬俊彥更以館之後署淺迫狹陋不  
足以亢爽其居乃節俸捐橐與郡伯任公暨六縣明府力勸厥事  
易館後之民地拓而節俸捐橐與郡伯任公暨六縣明府力勸厥事  
後試士之館克全其美觀諸紳士將勒之貞珉以無忘公之德余  
作而喜曰公非徒廣其署而已其謂署旣廣則身得以安身安則  
神清而鑒益以明其所評隲之文與所拔尤之士非確然有用之  
才乎余嚮所謂鄉會廷對讀中秘之書而儲公輔器者莫不出乎  
其中此吾所厚望吾鄉之士而吾鄉之士世世視公於  
勿替者也公名衡字晴峯順治辛丑進士直隸景州人 雍正三年

督學彭維新命新進生各捐銀壹兩庚戌督學李清澤踵行之知  
府蔣林益以鹽引羨銀合得千金委教諭張天翼專理生員孫衍

慶夏尙賢馬自昂柴鐫宋涇陳注柴嘉儒夏嵩年等監工改頭門

爲儀門東西各造文場十三間拓頭門於照壁增築官廳號房重  
修大堂川堂及班房易土以甃又買民地建高樓三間平屋十四  
間在事勤勞各有題名照壁內地勢低窪由縣紳宋鎬妻馬氏捐

資砌石

宋漆記嚴陵才藪也向之試館遇歲科兩試皆臨期構廠  
一時需用則取給於應試之士子人皆病之司土之官亦

病焉自明大司馬宋公爲諸生時卽慨然以勑建試館爲己任迨  
歸田後出歷任所積俸資購地度材鳩工揆日爲堂爲廡爲廡爲  
門以至廚庖寢溷犁然畢備遂爲永利鼎興以來誕敷文教廣額  
作人人思濯磨靡不蒸蒸向風讀書與試者日益衆而向之號舍  
不能容於是督學彭公始創增設之議繼此而王顧兩學使皆有  
同心事猶未集庚戌歲晉江李公按嚴銳意充拓幸際郡侯蔣公  
以芸館詞宗出典山郡其造就人材培植士類以仰答當宁作人  
之思靡所不至遂身任其事會李公赴召乃詳請制府程公暨學  
使帥公報曰可因得悉心區畫上承德意以潰厥成由堂墀號舍  
及於門闌繚垣凡向之卑者崇之隘者廣之而今而後士之較藝  
於斯者伸紙揮毫俾各得盡其所長以邀一日之遇孰非我蔣公  
之所成就與由是而知凡地方興舉之事惟恃乎官斯土者留意

整飭則無美不臻袖手優游則事機坐失向者歲久因循幾等道旁之築今者咄嗟集事遂同不日之成雖時至事起理有固然銳意整釐誠非其人莫任也則自今以往都人士之感德而謳思者不且與前人並不朽也哉公諱林字元楚乙未進士廣西全州人

嘉慶十三年易號桌以石凳用堅木爲之督學劉鳳誥諭就東首

展界二丈改建官廳號房轅門鼓亭照壁其頭門三間南鄉蔣繼

述堂捐造

督學周兆基記士先器識而後文藝衡文者非特衡其文而已將由是覘器識焉兩浙爲人文瀟藪余奉聖天子

命典試是邦者再閱所薦文大都沉博絕麗才華有餘而士習已畧可想見歲己巳復來視學按試諸郡錄文雖不拘一格而別裁僞體惟以清貞雅正爲諄諄易曰修辭立其誠是所望於多士庚午夏錄科至嚴雙峯挺秀丁水迴瀾川媚山輝意此中必多懷瑾握瑜之士及抵試院見其規模完善非苟且目前也者心竊異之適教授朱進士瑞春晉謁余既以士習文風問因詢及試館端未爲余具述曰嚴郡校士館自鄉先輩明山西巡撫宋又希先生捐資創建國朝廣額作人內翰蔣元楚先生來守郡增其式廓惟校試凳桌向由官辦緣物價漸昂購材匪易因陋就簡甚至不可展卷與試者苦之今建邑紳士以事關文教銳意興舉一倡百和

建德縣志

卷六 建築

館

十五

金華集成堂代印

踴躍捐資乃鳩工庀材置桌凳若干副桌用石凳則以堅栗木爲之承以石足較前尺寸縱橫展三之一堂墀號舍亦擴其隘而崇其卑既安且固爲悠久處也其大門迫於民居偏而西嚮與大堂儀門不合前院劉金門先生諭令改正爰購東首民房以拓基址移建照牆鼓亭轅門以協吉方旁及官廳號房點名房東西繚垣罔弗周備經始於丁卯秋杪閱一載而厥功告成共費三千金皆建邑紳士所樂輸也余嘉嘆者久之因思士人立身行己自有本末其或本之不務專事塗澤風簷寸晷苟爲炳炳烺烺以炫耀一時而學殖荒落者則又鄙陋無文苟爲塞責今建邑士子之加意於校士館若此其不苟於文也可知且事爲合郡所胥賴而一邑獨任之篤桑梓之誼化畛域之私此其器識爲何如士習醇而文風日盛在坤之六三曰含章可貞以時發也從此披文相質當必有濟美前哲卓犖弘毅足爲國家之柱石者出乎其間余其拭目以俟爰次其顛末俾壽諸石其董事諸生及樂輸各姓名例得並書以爲後

二十一年冬雪壓珊號舍無算縣紳復捐資改造東西場

屋二十六間周築甃牆鋪治甬道事葺歸官修理

以捐造餘資瀆府學宮泮池並

置寶興戶田貯租會試之年分給卷費其先後樂輸百兩以上者胡成章吳志承吳養賢吳茂童容遠童有榛方耕心黃武侯章文



科魯建烈餘並勒名於石咸豐十一年毀於兵同治十二年知府宗源瀚因與考人多坐號不敷請帑重建民國二年改設地方審檢廳今爲浙江省立第九師範學校

南材館 在仇池隴清光緒初知府宗源瀚建前有二池一清一濁十四年知府李士彬設西齋義塾於此

東館 今振東樓所在地(嚴陵志)在城東東津今爲富春驛(嚴州府志)舊名東館錢文肅公更名分歛方臘之亂樓廢改亭爲檢稅所紹興八年知州董弁榜曰東館以待艤舟者後人遂名東津

曰東館(新定續志)蓋簪亭在府治東舊名東館淳祐中知州李

鏞建宋陸游詩潮生東西津雨暗上下塔蕭蕭亂菰蒲拍拍起鳧鴨吾船雖甚小尚可著一榻溪風吹醉頰高枕墮紗帽南山

建德縣志

卷六 建築

校館

十六

金華集成堂代印

浮溼翠偃蹇呼不答安得青蓮公傑句爲彈壓(明汪希茂詩東館維舟日微風浪乍生渚雲低斷岸煙柳暗孤城僮僕沽村酒舟人話水程故鄉飛鳥外翹音不勝情

西館 在安泰門外上有夕暉閣其旁有漾月齋見嚴陵志今圯

校城南國民學校現正興建本年下半年可告竣

浙江省立第九中學校 在六曹巷口以嚴郡中學堂改建即雙峯

書院故址

浙江省立第九師範學校 在石板井邊以清之校士館改建

浙江省立甲種森林學校 在字民橋以建德縣農會森林苗圃改

建即富春舊治

威延裔署齊詩一冬苦無雪今晨寒初峻啟戶列瓊瑤燦耀不得瞬遙瞻烏龍峯積素高千仞俯仰

感時事陸陵悲饑饉草根掘已無鬻市及齧齕

建德縣立模範高等小學校 在柳樹巷口以舊典舖改設七年春  
校長蔡汝榕並改築頭門三間

建德縣立惠英女學校 在大西門靈濟廟內繼以學額日增由縣  
撥款添築披屋兩大間長廊一條七年校外總理方旭因加授蠶  
業並購桑地二畝零

堂 天主耶穌各堂均含有慈  
善性質特列之以爲世勸

麗澤堂 在舊雙峯書院內因宋之麗澤書院而得名清康熙間知

府吳昌祚建嘉慶癸亥知府張丙震葺道光壬辰知府劉榮玠重

修自記書院之有麗澤堂其名何自昉也昔張南軒先生來牧嚴  
州建麗澤書院於此地與紫陽朱子東萊呂子往復講道不倦

自南宋以迄元明頻遭兵燹而遺跡蕩然不可復設矣國朝康熙  
間吳公昌祚守嚴爰作文瀟書院於府學東偏大中丞朱文公聞

建德縣志

卷六 建築

堂 校

十七

金華集成堂代印

而嘉之顏其堂曰麗澤殆以先生之樂善同人者相期而非徒以  
是堂鳴其嘯歌自適也越數十載日就朽蠹至嘉慶癸亥嚴州守  
張公丙震因其舊址而擴之復取南北二峯之盛更其名爲雙峰  
而麗澤堂之號至今尚存夫亦前賢之流風餘韻實有令人沒世  
難忘者故久而不磨歟道光丙戌余來權守嚴州每與諸生論道  
講藝於此輒低徊留之不忍去踰兩年謝事至壬辰冬復來權守  
是邦則見夫牆垣漸圯棟宇將傾曾日月之幾何而前事已不堪  
回憶矣余竊維書院之有講堂所以考德而問業也記稱比年入  
學中年考校將於斯堂課之又稱善待問者如撞鐘於何待之即  
於斯堂待之也方將託麗澤之遺規問朱呂之故事與多士朝夕  
講習其中庶幾無負朱中丞之所期而顧任其隕越於草莽甚非  
所以成教育也爰與諸君子謀易而新之並移祀文昌帝君於樓  
上其餘廢壞者亦加以修葺工既竣仍以麗澤堂之額懸諸中庭  
不忘舊也異日人文蔚起道德文章將與宋賢後先暉映於六睦  
豈非堂之光也歟

光緒末雙峯書院改爲嚴郡中學堂總理王勅將此堂  
易作講室宣統末改嚴郡中學堂爲浙江省立第九中學校此額  
遂廢

經正堂 在舊寶賢書院內清光緒十年知縣劉毓森建并題額

希范堂 在今縣公署內清同治間建知縣許威題額

真風堂 在小西門古玉皇殿內明李文忠建崇禎中推官馮秉清

修今圮

召憩堂 在舊府城隍廟內清順治間為知府陳于庭建今圮

清節堂 在倉前莊為縣紳嚴國佐創辦同治八年知府戴槃修自記

婦人不忍死其夫矢志不嫁白首冰霜誠足嘉也然或衣食不繼任其凍餒恐非保全名節之道我江南有恤嫠堂有恤嫠會至浙則有清節之名嚴郡設立於北門城內其房屋建自何年造自何人均無稽考惟與育嬰堂合為一區分為兩所育嬰堂廢而清節堂尚存房屋規模甚為寬敞予仍其舊獨捐廉五萬錢稍加修飾俾斯不至傾塌存其名可以復其實也或曰經費不籌良法不久此舉難以遽行然余願居斯堂之人少而不願居斯堂者之人多如能查明地方公產漸有收息得人經理亦不患善舉之能復也

建德縣志

卷六 建築 堂

十八

金華集成堂代印

是為向歸縣紳嚴正鵠經理改曆後與育嬰堂同為縣紳洪昌熾

接管

育嬰堂 在倉前莊與清節堂間壁同為縣紳嚴國佐創辦捐田數

百畝為堂內育嬰之用同治初元止存田壹百數拾畝嗣督學吳

存義發銀壹千兩知府劉汝璆代買成田壹百肆拾餘畝八年知

府戴槃改設保嬰局並倡寫願捐每願一日一文官商共寫一千

願零每月計捐約叁拾餘千合前按年可收錢叁百餘千文自記

嚴郡

亂後民稀少遂安人存十之七桐廬壽冒人存十之五淳安建德人存十之四分水人存十之二為今之計莫要於招集流亡收養孤兒為他日生聚之謀郡內育嬰堂向在北門城內自兵燹後屋宇被毀止存小樓空架兩間予為守土官休養生息責任難辭迺獨捐廉壹拾伍萬錢添造平屋重整舊樓冀城鄉內外孤苦兒女收養於斯乳哺於斯饘粥於斯并長成亦於斯為國家廣恤孤之

惠而弘錫類之仁 典至鉅恩至渥也 向歸縣紳嚴正鵠經理民國七年知事張良楷

以經費支絀捐廉置田叁拾畝 文捐修理費 銀幣百圓 並飭清理書隨同自

治籌備員分別勸捐及價買共田壹千肆百陸拾餘畝 內以王萱 陸拾餘畝 陸拾餘畝 為最多 地叁百陸拾餘畝正大街市房兩座歲入共約銀幣叁

千餘圓 以所入餘款酌 補清節堂經費 所有契冊由堂董蔡汝榕保管以洪昌熾

分理其事 按上列田地市房別有清號附刊志尾旋於山路莊又增置民田貳百叁拾餘畝細號未列

天主堂 在縣城內字民橋邊計地伍畝肆分清光緒二十七年奧

人魏殿培募建

耶穌堂 在東湖壩計地肆畝柒分清光緒間英人富裕生募建

樓 澄清門外新建嚴江第一樓風檣上下一覽無餘絲竹之聲 偶一過耳令人飄飄欲仙雖屬經商其地實占嚴陵之勝

建德縣志 卷六 建築 樓堂 十九 金華集成堂代印

魁星樓 舊志在府學後宋知州吳槃建錢可則丹堊其上以奉魁

星方逢辰書額楊棟為記改曰登雲明時學既遷而樓亦廢宣德

六年知府徐孔奇改建尊經閣清光緒二年知府宗源瀚易名經

訓樓移建舊雙峯書院內今在浙江第九中學校

湖光山色樓 在東湖嚴先生祠左清光緒三年知府宗源瀚建

嚴江第一樓 在興仁門外文昌閣前清光緒二十四年知縣徐懋

簡建縣紳陳元善監工今 按與澄清門外 第一樓係兩處

洪音樓 在舊府治西北明成化十八年知府江豫建嘉靖間知府

宿應麟移建於建安山萬曆三十七年推官陸榮卿重葺清乾隆

間知府木和倫建鐘亭於樓左以祀文昌未幾與亭俱圯道光初

間知府木和倫建鐘亭於樓左以祀文昌未幾與亭俱圯道光初

復建石亭改名鳴盛

梯雲樓 舊在縣學內明弘治六年知縣農猷創建嘉靖間知縣林以良葺額曰奎壁聯輝崇禎九年知縣吳洪昌再建清乾隆十一年知縣胡士圻改建易名三元樓喻懋烈胡鴻峯董其事其址今為縣城隍廟

紫薇樓 在元妙觀內元末毀明初李文忠改觀為玉皇殿殿西為樓樓下為真風堂堂右尚有一樓名曰景星今俱圮

聚奎樓 在舊儒學大門明萬曆七年知府楊守仁建清康熙二十一年夏山漲驟發樓圮於水後改大門

閣 城西十五里天柱山有雲深閣清光緒間居民因禱兩輒應釀今新建內奉仙姑

建德縣志

卷六

建築

閣樓

文昌閣 在興仁門外錦鱗庵前清光緒二年知府宗源瀚移至仇池隴額曰文昌宮今仍改至故處知縣謝仁澍題額

浮瀾閣 在仇池隴舊文昌宮內清光緒二年知府宗源翰建  
清風閣 在拱宸門外 宋知州趙抃有清風閣即事集 今圮

靈香閣 在城西北兜率寺宋熙寧中學士蘇頌有記今圮  
學海閣 在舊寶賢書院內清咸豐十一年毀于兵

曇華界閣 在西湖寶華洲上今圮  
朱衣閣 在舊縣學內明萬曆四十年知縣郝光輔建祀朱衣神清

道光初改建朱衣台台前有古柏一株

縣紳馬中駉記吾庠有文  
明樓即所謂朱衣閣也起

何時歲之壬子也創何人西粵之郝侯也侯曷為而創斯樓也建  
安山之有邑庠新遷也殿宇齊廡潔然修齊者前人之所備也環

衛拱揖障空而補缺規制之所未備也侯思學宮之文昌翼聖教也  
有朱衣宰文明也二者可相有而不可相無也於是就堂出數  
尋地漸高倚石構閣其上各三楹騰突巖岬入闡玲瓏俯練水而  
窺丁文朱衣魁星居焉文明樓也高牙丹堊金鋪交映瓊窗壓墀  
文昌居焉文昌殿也殿之前碑巍巍澎澎汧汧烟雲變幻庭草  
交翠大塊之文章也樓既成戴生東旻等連塵秋榜而予亦奮迹  
於癸丑之春皆斯樓之所蔭也侯之有功庠序也而匪第茲也且  
捐金錢三萬緡爲置學田錢雖糜於湖工而侯之美意在也侯之  
篤念士類也而匪第茲也且其蒞邑剔蠹祛弊道和宣愷清丈號  
核虛實也平里甲均肥瘠也卻羨例甦困疲也故邇來士樂業民  
安堵不可謂非侯之賜也然當日無有盛誦之者今而知誦侯也  
則侯之治又可知也邑士人德侯重侯不忍忘侯爰爲立石來索  
予言予維新樓起於侯葺於李襄於周而使君來適會其事之成  
乃斯樓之神合也則侯之功甚大也侯名光輔字秉忠舉廣西庚  
子孝廉循良政茂自有上方提彤管者

### 院

遜清有書院有禪院有道院志趣雖各不同其爲潛修之地則  
一舊時書院朔望課士爲各生較藝之所其意自別今則專重  
學校所有舊時講舍門庭雖是名義已非故僅列名於此以志  
興廢尚有養濟院一所在武定門外嘉慶二十年嚴昌鳳造咸

## 建德縣志

### 卷六 建築 院

二十一

金華集成堂代印

豐間毀光緒十七年知府鶴  
山重葺誠惠民之善政也

### 龍山書院

在興仁門外文昌閣前宋知州范仲淹創建久圯清康

熙初修復不十年又圯於水

按舊志作在拱宸門外乃會文書院之訛

### 釣臺書院

在城東富春山下漢嚴子陵躬耕處宋景祐中知州范

仲淹始創祠宇紹定戊子山陰陸子適來知州事闢書院於臺下

葺高風閣置經史子集訓迪嚴方二家子弟淳祐辛丑金華王似

守郡始闢齋舍辛亥知州趙汝歷益以棟榜榜曰釣臺書院左乃

先生祠也羊裘軒客星閣悉仍其舊歷元迄明時加修建弘治四

年知府李德恢更新之樹坊表於祠堂之前視昔加偉久圯

### 麗澤書院

在郡城宋乾道初知州張栻建朱熹及呂祖謙時講學

於此附陳龍溪淳嚴陵講義一曰道學體統聖賢所謂道學者初

之常耳蓋道原於天命之奧而實行乎日用之間在心而言則其

體有仁義禮智之性其性有惻隱羞惡辭讓是非之情在身而言

則其所具有耳目口鼻四肢之用其所與有君臣父子夫婦兄弟

朋友之倫在人事而言則處而修身齊家應事接物出而蒞官理

國牧民御衆微而起居言動衣服飲食大而禮樂刑政財賦軍師

凡千條萬緒莫不各有當然一定不易之則皆天理自然流行著

見而非人之所強爲者自一本而萬殊而體用一原也合萬殊而

一統而顯微無間也上帝所降之衷即降乎此也生民所秉之彝

卽秉乎此也以人之所同得乎此而虛靈不昧則謂之明德以人

之所共由乎此而無所不通則謂之達道堯舜與塗人同一稟也

孔子與十室均一賦也聖人之所以爲聖生知安行乎此也學者

之所以爲學講求踐履乎此也謂其君賊其君者也謂其民不能

賊其民者則自謂其身不能自賊者也操之則存舍之則亡迪之

則吉悖之則凶則皎然易知而坦然而難行也豈有離乎日用常

行之外別自爲一物至幽而難窮甚高而難行也哉如或外此而

他求則皆非大中至正之道聖賢所不道也二曰師友淵源粵自

義皇作易首闢渾淪神農黃帝相與繼天立極而宗統之傳有自

來矣堯舜禹湯文武更相授受中天地爲三綱五常之王臯陶伊

建德縣志

卷六 建築

院

一十二

金華集成堂代印

傳周召又相與輔相施諸天下爲文明之治孔子不得行道之位

乃集羣聖之法作六經爲萬世師而回參伋軻實傳之上下數千

年無二說也軻之後失其傳天下驚於俗學蓋千四百餘年昏

冥冥醉生夢死不自覺也及我宋之興明聖相承太平日久天地

貞元之氣復會於是濂溪先生與河南二程先生卓然以先知先

覺之資相繼而出濂溪不由師傳獨得於天提綱啟鑰其妙具在

太極一圖而通書四十二章又以發圖之所未盡上與羲皇之易相

表裏而下以振孔孟不傳之墜緒所謂再闢渾淪二程親受其旨

又從而光大之故天理之微人倫之著事物之衆鬼神之幽與凡

造道入德之方修己治人之術莫不秩然有條理備見於易傳遺

書使斯世英才志士得以探討服行而不失其所歸河洛之間斯

文洋洋與洙泗並聞而知者有朱文公又即其微言遺旨益精明

而瑩白之上以達羣聖之心下以統百家而會於一蓋所謂集諸

儒之大成而嗣周程之嫡統粹乎洙泗濂洛之瀟源必以是爲學

者不欲學聖人則已如欲學聖人而致論師友淵源必以是爲迷

途之指南庶乎有所取正而不差苟或舍是而他求則茫無定準

終不得其門而入矣既不由是門而入而曰吾能真有得乎聖人

心傳之正萬無是理也三曰日用工節且道之浩浩何處下手聖門

用工節目其大要亦不過曰致知與力行而已致者推之而至其

極之謂致其知者所以明萬理於心而使之無所疑也推力者勉焉

而不敢怠之謂力其行者所以復萬善而已而使之無不備也知  
不致則真是真非無以辨其行將何所適從必有錯認人欲作天  
理而不自覺者矣行不力則雖精義入神亦徒為空言而盛德至  
善竟何有於我哉此大學明明德之功必以格物致知為先而誠  
意正心修身繼其後中庸擇善固執之目必自博學審問慎思明  
辨而篤行之而顏子稱夫子循循善誘亦惟在於博學我以文約我  
以禮而已無他說也然二者亦非截然判先後為二事猶之行者  
目視足履動輒相應蓋亦交進而互相發也故知之明則行之愈  
達而行之力則所知又益精矣其所以提撕警省此心使之惺惺乃心  
敬為主敬者主一無適之謂所以提撕警省此心使之惺惺乃心  
之生道而聖學之所以貫動靜徹始終之功也能敬則中有涵養  
而大本清明由是而致知則心與理相涵而無顛冥之患由是而  
力行則身與事相安而亦不復有扞格之病矣雖善人性均善均  
可與適道而鮮有能從事於斯者由其有二病一則病於安常習  
故而不能奮然立志以求自拔二則病於偏執私主而不能豁然  
虛心以求實見蓋必如孟子以舜為法於天下而我猶未免為鄉  
人為憂必期如舜而後己然後為能立志必如顏子以能問於不  
能以多問於寡有若無實若虛然後為能虛其心既能立志而不  
肯自棄又能虛心而不敢自是然後聖門用工節目循序而進日  
日有所惟新之益雖升堂入室惟吾之所欲而無所阻也此又學

建德縣志

卷六 建築

院

二十三

金華集成堂代印

者所當自警也四曰讀書次第書所以載道固不可以不讀而聖  
賢所以垂訓者不一又自有先後緩急之序而不可以躐進程子  
曰大學孔子之遺書而初學入德之門也於今司見古人為學次  
第者獨賴此篇之存而論孟次之學者必由是而學焉則庶乎其  
不差矣蓋大學者古之大人所以為學之法也其大要惟曰明明  
德曰新民曰止於至善三者而已於三者之中又分而為格物致  
知誠意正心修身以至於齊家治國平天下者凡八條大抵規模  
廣大而本末不遺節目詳明而始終不紊實羣經之綱領而學者  
所當最先講明者也其次則論語二十篇皆聖師言之要所萃  
於是而學焉則有以識操存涵養之實又其次則孟子七篇皆諄  
諄乎王道仁義之談於是而學焉則有以為體驗克廣之端至於  
中庸一書則聖門傳授心法程子以為其味無窮善讀者味此而  
有得焉則終身用之有不能盡者矣然其為言大學論孟之既通然  
而下學之意少初非初學者所可驟語又必大學論孟之既通然  
後可以及乎此而始有以盡其精微不參論孟則無以發揮  
大學則無以提挈綱領而盡論孟之精微不參論孟則無以發揮  
蘊奧而極中庸之歸趣若不會其極於中庸則又何以建立天下  
之大本而經綸天下之大經哉是則欲求道者誠不可不建於讀  
四書而讀四書之法毋過求毋巧鑿毋旁搜毋曲引亦惟平心以  
玩其旨歸而切己以察其實用而已爾果能於是四者融會貫通



而理義昭明胸襟灑落則在我有權衡天度由是而進諸經與凡  
讀天下之書論天下之事皆莫不冰融凍釋而輕重長短截然定  
一自不復有錙銖分寸之或紊矣嗚呼至是而後可  
與言內聖外王之道而致開物成務之功也歟  
元初圮

### 會文書院

在拱宸門外烏龍山椒明萬曆間建

雲南屯田副使徐楚記我聖天子萬

曆元年臨川靜庵陳公以名御史來守是邦下車之初解網寬征  
課農諭俗甫期月政通人和莫不興行親睦孝弟之風藹如也閱  
夏序薰絃載播泮頌方殷合一郡六邑之士較藝行臺拔其尤者  
若干人務得英才而教育之旌賞激勸來多士心又懼其文詞之  
盛而躬行之鮮也度郭外龍山之麓為會文書院以居之堂楹號  
舍樓閣池塘庖湏垣墻罔弗周備豐之以廩餼董之以師儒且試  
閱必親教思無倦上稽六籍洞啟心源諸生游泳其中日劬月刮  
各就裁成錦峯繡嶺之間彬彬乎棫樸菁莪之化矣越三載公且  
奏最還朝諸生相與繹思言於郡邑博士楊君德興劉君伯潮師  
友多賢仰瞻山斗一如紫陽白鹿故事而張生宗馬生希曾不遠  
三百里來淳山中覓予一言為公誦之顧楚與公夙嘗傾蓋而箕  
籌策三子又皆及門其何說之辭抑聞之曾子曰君子以文會友  
以友輔仁謂朋友講習非文何資而二人同心輔仁為最是故學  
以聚之問以辨之取之相觀而善之中體之退藏於密之後以窮  
理盡性為要以正心修身為本固將蘊為德行行為事業為往聖  
繼絕學為萬世開太平者矣豈徒納交一時文墨議論先後名實  
之計哉是用鐫石紀成尙期連茹彙進以崇明德以無忘陳侯之  
功而茲石因之不朽矣諸君子其深念之哉公名文煥字汝昭號  
靜庵由進士起家歷官中外直聲雅望方  
以天下為己任人以比之文正范公云 久圮

### 建德縣志

#### 卷六 建築

院

一二十四

金華集成堂代印

### 文淵書院

在清府學東即分守道舊址康熙五十八年知府吳昌

### 祚建知縣薛景珏董理公捐

陳詵記余往過嚴灘於山見雙石嶽崎於水見十九泉澄碧人憑弔嚴子

陵方雄飛之高風逸德嗣徽音者理學儒宗則喻子才方蛟峰文  
章名世則商文毅姚文敏皆磊磊明明卓犖千古迄今粹美人文  
甲於兩浙意必有大君子相繼休養陶鎔餘澤流風乃以不墜既  
而攷志乘漢以前曠遠難稽梁唐以來如任公昉宋公璟杜公牧  
守斯郡者皆賢哲相繼至宋范希文特創龍山書院張敬夫繼設  
麗澤書院與朱晦庵呂東萊往復辨難明道講學於茲土宜夫文  
獻蔚然越今未少衰然龍山麗澤兩書院一毀於元初再燼於明  
季蕩然無復存者歲已亥我皇上特簡內院侍書吳公來郡公下  
車釐剔一新百務具舉乃獨捐清俸於府庠東偏建書院一區顏  
其坊曰文淵為廳為室為廡為門後為庖湏弘敞清潔以萃國之

秀良聘鄉達進士張雲鶚為師風聞四方負笈接踵科名鵲起文  
教重興中丞朱公聞之喜額其堂曰麗澤蓋以南軒先生耦公冀  
其前後輝映為國樹人傳世不朽也庚子夏余歸田嚴父老徵余  
記余乃慨然追維三代盛時詩書禮樂以造士所謂念終始典於  
學尚矣漢世購遺書遺經始出迨晉人尚清談唐人尚帖括遺經  
存而經學終未明藉非朱子發微闡幽何以使吾道如日月經天  
江河行地也哉朱子新安人與嚴接壤公先世亦新安人為延陵  
後裔而能彰明朱子之教於其所麾守之郡吾乃歎文運之興有  
其倡者必有和者遇合原非偶然學者尚其體賢太守儲才育德  
盛意從事淑身經世遠謨無徒取一第以博人間富若貴也豈不  
與山高水長同永且有烈光也哉公諱昌祚字  
爾熾三韓人書院成於己亥臘月望日是為記 乾隆十二年知府

富紳修歲久傾圮嘉慶八年知府張丙震重建改名雙峯

雙峯書院 卽文淵書院清嘉慶八年知府張丙震建增後軒三間

廂房二間易文淵額為雙峯

教授陳家駮記古睦踞浙上游山川  
犖之土地靈人傑不信然哉然栽培樂育為當世裕有用之材以  
待非常之用是又在守土者廣其教而成其材此學校之外所以

建德縣志

卷六 建築

院

一二十五

金華集成堂代印

復有書院之設也宋乾道初南軒張宣公由直秘閣起知嚴州府  
事特勅麗澤書院俾多士肄業其中士習文風一時稱盛迄今謁  
三賢祠想見公之為人猶低回留之不能去云嘉慶庚申冬直隸  
南皮張公以名進士出守茲土正己率屬政治民和乞以振興文  
教為急務公事稍間集六邑諸生較藝行臺拔其尤而匡其不逮  
如繩墨之於曲直不爽毫釐以故士林莫不嘆服而公更欲為悠  
久計惜書院之已廢也思有以興之郡庠東偏舊有文瀟書院自  
康熙己亥歲太守三韓吳公捐俸獨創延鄉達以主講席其意甚  
美然規模雖具而修脯取給於公事難為繼故公去而此事遂廢  
乾隆己亥長白木公來牧郡銳意有為百廢具舉書院因之復興  
然距吳公初時已越六十載及公調任而方興者又廢矣迄今三  
十餘年雨蝕風摧傾頹過半張公於朔望日祇謁文廟必過所謂  
文瀟書院感嘆者久之因熟籌經久之道首捐清俸為合郡倡并  
勸諭六邑量力飲助而建德士子感公盛意尤為踴躍不數月而  
樂輸者已數千金公乃於紳士中選勤敏者董其事筮吉鳩工經  
之營之某處宜增如東西新立號舍十二間及堂後小軒靜室是  
也某處宜改如大門易而西嚮俾叶吉方是也某處宜修葺如中  
堂之正其欵側塗墍聖黝煥然一新是也向之秋隘者以廓  
机隍者以安寢漏庖廚罔弗周備始於癸亥仲春至冬而工告  
竣公以嚴郡南北高峯擅山川之勝親題其名曰雙峯書院余閱

志乘嘗載堪輿家言有云卯巽二峯重建塔狀元從此冠羣英今公重建書院以雙峯命名所屬望於多士者可不謂厚歟公嘗語家駮曰書院之設所以栽培英俊宜聘名師以專其任而士子寒素者多尤當資以膏火予固早念及此顧目前經費不敷已捐者尚多未繳即未捐諸邑當必有陸續踵至者俟有成數然後權其生息定為章程庶可行之久遠故每屆課期皆公親自肩試手加評點余既慨公之心乎養士而尤服公之謀始慮終非徒張皇補苴沾沾於目前已也在大易臨之象曰君子以教思无窮公其有焉余自壬戌夏秉鐸羣庠快覩公有是舉今春從公課士董事諸君屬予記之因思張宣公守郡時適東萊呂成公為教授二公以理學名儒相與提挈風雅都人士至今稱道不衰今張公品誼文章卓然名世允堪濟美南軒而余以非材忝膺郡博有愧於東萊多矣而亦得如昌黎之作滕王閣記以名列三王之次為榮何其幸也公名丙震字乾輝號鑑葺乾隆庚子進士余既次其顛末并書樂輸各姓名及  
**十一年縣紳姚一桂改修道光五年知府聶鎬**其捐數並勒諸石

**敏增建頭門五間**自記郡雙峰書院為六睦人材薈萃之區全郡也其構造規模以能收郡城山水全局氣勢為佳而自堂迄門尤宜中正以觀大門舊本南嚮嘉慶丙寅歲重修改嚮西則以左迫

建德縣志

卷六 建築

院

一二十六

金華集成堂代印

民居右復逼近奎閣故也顧南為文明方書院人文攸繫則門嚮自宜南壬午夏余來郡嘗課試於此思有以展拓之也而復嚮南之舊詢知東首為國學生夏瓊林家書房三間因向夏生商售生以此係作人盛舉願即移開書室捐出基址二丈基稅願留戶完糧固已大堪嘉尚乃既讓宅拓基復以構造自任捐資獨力起建大門五間披屋三間並修砌官街一帶起建桃李門坊一座費金錢五百八十緡有奇  
**兵燹後僅存講堂同治三年學使按臨知府**凡三月而功告成

**丁壽昌飭縣紳柴望沅朱杭將院東西改造文場權作試館光緒**

**十三年知府李士彬改西文場為師南義塾二十七年全院圍牆**

**為水激坍知府劉忠標大修改名六睦學堂**

自記余臯樞東關見此邦士氣衰頹極思

振作以事權不屬未便越俎代庖曾幾何時果來攝郡篆下車伊始即詣書院與諸生講解切磋商其中專事時文帖括者固不乏人即說經硜硜能奪戴席者亦不無一二不意六月之杪衢寇跳梁侵逼屬境居民惶恐為守禦計遂慫恿掌教王槐青襄辦團練而弦歌之雅闋焉無聞今歲辛丑虜氣稍平正宜就簿書餘閒與院中高才生講求實學忽於端午後二日蛟洪瀑漲為百年來所未

有所轄六邑建淳桐被災猶重府治城垣在巨浸之中坍塌不可數計卽祀典各神廟以及書院校士館無不淹壞去年議防議堵今又議振議修首尾兩年何暇談及文字今歲書院補葺一新改名六睦學堂城垣祠宇亦一律修復院中肄業諸生漸次還集嚴陵文風可期從此丕振况今奉諭旨疊飭各省儒臣改試策論旁求有用之學此間大有偉人將來豈無出而薦舉者亦重賴官斯土有以鼓舞而振興之也然鼓舞振興端資經費前者雙峰書院每年膏火所費不貲余曾代稽出入知有出自善舉者有由各縣批解者又有取給田租者按籍可稽豈煩縷述惟徐大宗師季和所撥二千三百元與陳大宗師六舟所捐默經洋二百元雖已存典生息無人知者恐閱時既久弊竇易滋必揭而出之俾衆咸知方可垂諸久遠時掌教王槐青在座深韙余言爰記其事而貞諸石上以表彰二公之惠下以鼓勵諸生知歛有着落不知畫餅充饑云

明年知府黃書霖又改名嚴

郡中學堂聘縣紳吳逢慶爲監督三十一年知府啟續關西教諭

署基爲體操場增建講堂膳舍及教員寢室以縣紳王韜爲總理

宣統末費由省支更名浙江省立第九中學校

相傳清忠節袁公諱昶肄業於此知

### 建德縣志

#### 卷六 建築院

二十七

金華集成堂代印

府丁壽昌評其月課云僕觀人多矣從未見有如此才者將來不止爲科第中人後果驗兼有府義塾二處一

在富壽坊康熙八年知府梁浩然建捐俸置田拾貳畝柒分坐落

二都金家店一在後歷橋同知甘國奎建原捐置田伍畝玖分坐

落在城及大洋等處早廢同治十三年知府宗源瀚改本院頭門

東西廂爲之今並廢

寶賢書院 在西湖寶華洲清道光六年二月知府聶鎬敏建並清

丈湖田湖地以及西湖蔡家塘江家塘三處魚租爲歲修費

內撥出魚

租錢拾伍千文給縣城隍廟三祭用項

九月間移疾去又捐銀幣壹百元道光八年

署知府劉榮玠準董事童占元胡廷望等之請復撥公項餘錢壹

千伍百零

與前壹百元合存典生息以助生童膏火

咸豐末毀同治十一年知府宗源

瀚創造頭門光緒十年知縣劉毓森捐廉重建

縣紳朱杭包汝超陳元善張心毅吳

逢慶吳拱照嚴正鵠董其事

民國二年改爲縣農會別有縣義學在字民坊知

縣戚延裔建清雍正七年知縣紀廷詔置田拾玖畝貳分坐落南

鄉王山頂乾隆四十五年知府木和倫因塾圯飭併府義學收租

〔按〕縣義學久圯膏火田畝向歸府義學收租道光二年七月知縣周興嶧勸令北鄉職監馬兆燕捐銀貳千兩以爲修整義學延請

掌教並實興 舊志並有鄉義學二處一爲槐香義塾在城北二十

五里黃金礪清乾隆二十四年縣紳王璵捐建

知府吳士進記古者黨有庠術有序

國有學而家亦有塾槐香義塾者即古家塾遺意乎古之人自幼至長未嘗離學師友以解其惑勸懲以勉其進教化行而人材輩出大率由此夫求學至聖人之道非徒務記覽爲詞章聲名而取利祿也陳龍溪嚴陵講學四篇其用功節目致知力行逆之至其涵養本源則曰以敬爲主欲其請事斯語則曰奮然立志豁然虛心而已建德古粵東國趙復齋故宅存焉其鄉曰芝川其村曰

建德縣志

卷六 建築

院

一二十八

金華集成堂代印

下王家承東萊教澤士矜博瞻三槐裔孫有諱璵者其體用秉鐸蕭山嘗做蘇湖以經義治事訓士行之十年歷有成效七十致仕更思所以綿教澤而垂裕後昆於是率子以彭以慎相龍山之陽得爽塏之地築宮其上其間齋祭之室誦講之堂休宿之廬至於庖湔庫廡各以序爲其成也積屋之區若干而門序庭階之位有足積器之數若干而祀飲寢食之用皆具室東西爲園圃而以暇以息之所亦備經營於丁丑冬初閱七月而成費金錢百萬有餘皆清俸也尋復捐田叁拾畝而其族以智以緒金召等又共捐田若干畝歲收所入以備修脯凡有志向學者皆得執經講業故生徒常數十人誦讀之聲無間晝夜寒暑嗚呼盛矣 今圯一

爲正心義塾在城西五十五里方山嘉慶十二年縣紳王同川建

並捐田貳拾餘畝

徐成豫記方山王氏僻處山隅土瘠民貧雖有俊秀子弟往往苦於無力延師是以功名一途

不特科第不獲概見即鬢宮之選亦且寥寥王族有維楨公諱洵者素性好義雅尚斯文爰慨然首捐銀壹百陸拾兩入本宗祠內正心堂偕同孟兄同川及房族數人共勸厥事置產生息數年之間積資若干增置田畝遂設義塾延請師儒每年集本族子弟課讀其中猗歟休哉此其所以垂裕後昆栽培寒畯者實深且大異日者成人有德小子有造行見槐蔭之庭烏衣之巷昔時之膾炙

人口者既必接踵而來卽同里之叨附滋培者亦必千雲直上然則斯舉也豈惟一家賴之實合族均賴之豈惟一時蒙其惠實奕世永受今圮其惠矣

〔按〕光緒志合縣城鄉捐歸雙峯書院膏火分管田陸拾叁畝陸分捐歸寶賢書院膏火分管田壹百伍拾叁畝零合同治十三年蘭溪方紀勳捐買陳村莊田壹百叁拾捌畝零稟縣立案作為寶興費又道光三年知府聶鎬敏準縣紳童占元王漢夏泮胡容松等之請將公捐書院經費疊年節省項下提大錢捌百千文存典於鄉試年歸董事領息叁百千文攜省分給七年冬合縣續捐大錢貳百千文連前合大錢壹千串每屆鄉會試將所得利息叁百陸拾千文以叁百千給鄉試卷費以陸拾千給會試卷費如遇優拔之年與會試舉子均派〔謂〕之書院寶興嘉慶二十年縣紳以捐修試館餘資置田貳拾貳畝零逐年收租變價於鄉試時交董帶省分給會試每名送給卷費銀伍兩〔謂〕之試館寶興原載書院及寶興各項田產或存或失現概撥入學款連同新捐育嬰堂田產另冊附錄

圓通禪院

卽高峰院在城東興仁門外東津山上唐善導和尚開

建德縣志

卷六 建築院

山院有靈感觀音禱雨輒應宋紹興七年知州胡賓建亭其上以

近嚴陵瀨名曰高風亭年久漸圮

馬仲珍詩山空不隱響一葉落還聞龍去遺荒井僧歸禮白雲

蟲絲昏畫壁嵐氣溼爐薰睡思殊無奈茶甌易策勳〔趙抃詩〕風送荷花香滿闌上人宴坐水雲間時中靜極光通達豈特浮生半日

明永樂二十年僧修忠建萬曆二十年僧眞宿修崇禎間又修

光緒十一年僧佛蓮募建別有景德禪院卽古景德寺今廢

宋范浚詩

出郭雨初霽到山雲欲無老松看偃蹇幽徑上崎嶇佛屋藏巖曲天花舞坐隅向來愁絕意此地一醒蘇

七里禪院 在城西三十里下淮大旗山與屏山相對黃饒有福安

院亦在城西三十里土名沙凸上

龍門禪院 古稱崇勝教寺俗名白佛寺在城西三十里唐村舊名

龍山白佛院宋大中祥符八年賜名崇勝院時有僧義澄號不睡

長老

宋眞宗嘗賜詩云正觀心地法色相木皆空禪慧明宗性超然萬法中

院舊有眞宗及仁宗賜

義澄劄子御書明萬曆三十九年僧性理改今名

澄溪道院

在烏龍山大塢唐韶國師開山宋紹興五年僧道照建

明洪武八年僧懷信改建烏龍廟左顏曰清涼寺

一作青蓮庵李文忠移建

萬

曆三十八年僧祖信移築故所舊有董其昌題額清嘉慶中道士

蔡合齡修今名奉眞道院俗呼祖師殿

元厲英詩庵依兜率寺小憩俗心灰竹密暑不到窗

虛風自來山昏飛鶴下磬斷定生回拂拭殘碑看年深厚綠苔清計楠詩翠微影裏落晴氛鐘磬茆庵遠遠聞松頂飛泉千尺雪嶺

腰樵踏一層雲花開瘦磴芸蘭秀人到深巖麋鹿羣欲向神仙乞丹藥寸心虔奉瓣香焚

左有萬壽藤根出石

隙蜿蜒數百丈子如刀豆能辟邪相傳唐宋時物別有法源院在

城東北六十里安仁鎮明初建清道光間廢光緒間里人公建

建德縣志

卷六 建築

院

三十

金華集成堂代印

寺

輿地志云吳赤烏十年沙門僧會自西竺來傳佛法吳大帝作寺居之寺自此始

報恩寺

在縣治字民橋下宋慶曆中沈文慶捨基建僧如實開山

元末毀明洪武二年僧智德重建歲久傾圮景泰元年僧文斌募

新之弘治四年知府李德恢命僧宗廣重修嘉靖十五年改爲嚴

陵祠萬曆中祠移建安山仍於山門葺小屋以識古刹焉清康熙

二十二年僧普敬建大殿乾隆三十五年災三十六年僧可權重

建嘉慶十二年僧秀峰修咸豐十一年毀於兵同治三年協鎮朱

祖貴移置府學西首光緒十六年僧善修並縣紳吳貢書朱杭吳

逢慶方承洵陳廷松張心毅陳元善戴寶善陳治平嚴正鵠宋雲

高等即舊址重爲募建光緒間僧月坤修民國七年月坤又增築

垣牆並擬建彌勒殿

三一寺 在舊府城隍廟西落元里以明商文毅曾生於此故名舊爲三官廟楊池等醮金建并建三元行宮坊縣人王秉祥等修清乾隆二十年僧乾大與其徒自安復修咸豐時毀於燹光緒間縣紳汪自厚醮金重建北高峯別有三官廟則嘉靖四十五年建早圮

永泰寺 在興仁門外舊爲靈山寺在芝川鄉唐光化中遷此宋政和二年賜今名尋避哲宗陵改保慈院元至正初復今名明洪武六年僧景榮重建

仁王教寺 在城東宋公村舊名仁王院吳天璽中支遁禪師開山

建德縣志

卷六

建築

寺

三十一

金華集成堂代印

宋嘉定間僧誠禪師建咸豐間毀光緒丙申僧佛蓮募造觀音殿一座民國二年縣人宋吉星等醮金重建

靈石寺 在城東十五里守祿村舊爲靈石院一名烏石寺吳越時長守禪師開山宋建中靖國元年知州馬玓改今名紹興間張王劉岳曾題名其處明洪武二年僧知永修道光五年僧顯裕募建咸豐十一年毀光緒初僧悟修重建三十四年由縣人錢祿醮金修並添造僧房恢復寺產

興福寺 在城東二十五里巖山舊名巖山寺唐會昌中廢宋乾德中吳越王裔錢氏建政和五年僧靈皓修江公望記其事

悟真寺 在城東杜唐唐廣明中僧道密開山元大德中僧維林建



龍門寺有三一在城北三十里杏源宋開寶中僧道豫開山明洪武初

僧宇眞建一在烏楮市清光緒五年僧寂金即舊址募建該寺香

火田合舊管計肆拾壹畝零土名細號別載寺碑一在城東龍門山浮屠廢

址尚存

普譜寺二有一在城東四十里宋嘉熙間僧維政請處州廢額建元至

元二十二年僧妙善新之明宣德十年僧志滿重建一在早胡莊

寺有古鐘宋寶祐三年鑄清同治元年毀光緒十六年縣人釀金

建

天寧禪寺 在城南一里南山上宋慶歷中僧道明開山名廣寧寺

崇寧二年改爲崇寧萬壽禪寺政和元年改天寧寺紹興四年改

建德縣志

卷六 建築 寺

三十二

金華集成堂代印

報恩廣孝寺明洪武己酉僧志滿重建復名天寧宣德正統成化

間僧紹宸道浩戒恩前後增剏氣象軒豁甲於諸寺唐仲賢詩浮

曲到靈巖突磴穿雲出衝泉崩石函談空花散雨聽法鶴依杉偷得浮生暇西山日已銜嘉靖丙午俞夔建塔

其右清初寺廢

胡錫麒詩風生曲徑晚涼偏翠合危樓鳥鼠穿偶

夢鐘鼓無聲佛坐禪搜剔殘碑文字壞不知劫火閱何年道光間建許正綬懸鐙歌嚴州城南

以塔作峯峰亦高北峰高唱南峰答聞說形家吳景鸞外巽二方

真氣合當時兩頂卓浮屠狀頭名榜排闥是邦文教本昌明邇

來運會殊衰颯我欲懸鐙南之峰聞者歡悅明簪盍涓吉同人集

筍輿山徑峻嶒雲吐納一帶江流望渺茫千層巖翠堆重沓二三

級間尚勇登四五級上難健踏勒石留題鄙懋卿言以人廢絕摹

榻南鍼遙指郡庠開萬丈光茫騰絳蠟快教多士喜軒眉笑倒老

僧忙挂衲先生好事天雨飛興會淋漓傾咸豐十一年毀光緒二

酒榼僕夫莫漫促歸涂我將醉臥南窗榻

年募建又有南山殿在城南十里丙峯蓋自古所稱之南山也爲

縣屬名刹始創於唐清光緒六年僧果緣擬建

大福寺 在城南一里俗名大佛寺清初僧朗明開山康熙二年副

將鮑虎建前後二殿內砌石池外建石橋立坊曰嚴陵第一山道

光三年僧道修募建成豐十一年毀光緒四年僧果緣重建民國

七年僧德修增建平屋十間

普濟寺 在城西二十里罽潭嶺萬曆府志作在城南十五里宋建

炎中請桐廬廢額移建淳祐中僧日照修咸豐辛酉毀光緒十五

年唐其章等醵金建十九年僧寬憶添造客堂

雲岫寺 在城南二十里唐靈慧禪師開山宋宣和中毀元至正間

建明天順中僧法展修咸豐辛酉毀光緒七年陳愛棠等醵金建

建德縣志

卷六 建築 寺

天泉寺 在城南二十五里石屏山前有二井水味清冽大旱不竭

故名寺創於明嘉靖中清道光六年僧德法增建大悲閣

縣紳蔡兆輅疏

石屏山天泉寺者蒼山水之清幽領煙雲之供養磬韻初落松濤

滿天茶香乍生竹露滴翠靈境既關勝因乃彰象教之崇由來舊

矣時則有若心安上人卓聲聞之錫豎精進之幢榔栗支撐架裝

補綴剝苔啟牖薙草開堂均畚揭以勤勞敞東西而結舍花木交

翳苔纂遂多閱道光癸未逮戊戌僧德法重倡宗風精磨寶相裝

鑄羅漢佛釋迦迦葉阿難諸佛二十有五尊需費千緡有奇布舍

衛之金空王力竭造諸天之塔阿育神通猶欲借法炬之餘輝闡

普陀之真諦會離塵相未隔宿緣煙雨樓臺莫問南朝之寺星霜

歲月難招蓮社之羣經榻猶懸舊遊非昔去來彈指花水澄觀然

而道雖實而集虛法本無而之有今寺僧品蓮作無遮之常住思

祖述乎家風鑿子坎爬原是一家衣鉢瓠稜珠網重開不二法門

涓於寺旁創建大悲閣補未竟之功輝生龍象現如來之影喜動

人天為菩薩闢廣場為名山開生面為長老成勝果為檀越種法

田渡苦海之慈航誕登覺岸磨礪頭之鐵杵好禮金仙山一簣而

可為圖七級而共建伏願施捨仁人善信男子水分功德潤比楊

枝園設喜歡擎同蓮瓣傾囊飲助衆既聯袂而前托鉢歸來佛亦

拈花而笑勝誦牟尼之百八如立功行之三千福不唐捐光能周  
徹行見合海沫之吹噓兜率天高懸慧日繞香臺而頂禮大千界  
普護  
慈雲 次年乙酉德法又改建山門並增雕法像二十五尊教授許  
嚴郡城南二十五里有邨曰洋源其地巖壑輝映迥出塵表望之

蔚然深秀者石屏山也上有天泉古剎創明嘉靖間寺左右各有  
池號天泉味清而冽大旱不竭故名焉山門聳峙寶殿巍峨暮鼓  
晨鐘發人深省而游客攜屐所至亦樂其境僻而清幽也形諸歌  
詠稱勝區云自明迄今歷有年所昔心安和尚苦志募修添造東  
西二堂相向環抱視前為恢廓乃歲序遷流風霜剝蝕頽垣敗瓦  
樵牧成羣維時住持德法力圖鼎新齋魚粥鼓山卉園蔬昕夕清  
勤待時而動道光甲申春蘭溪慈真寺僧月峯與德法為禪友飛  
錫茲土慨焉改建山門次年乙酉德法開雕法像二十五尊皆集  
佳木為之其時即謀莊嚴會兩遭水一遭旱勢不得不暫止今歲  
之春洋源人士謂蒲團禪板力能提倡宗風吾輩近接招提餽聞  
戒律雖乏布金之助不可坐視託鉢之求各謀解囊飲資集腋旃  
檀林構羣材也香積廚飽仁粟也凡殿宇堂舍庖湏之屬木石陶  
冶髹漆之工奐之輪之金之碧之慎終始聿觀厥成夫興廢時也  
而亦關人事焉道力堅深何功不濟特望洋興歎斯登岸無由是  
役也時凡閱數寒暑錢凡費若干緡諸善士誠心昭格亦德法夙

建德縣志

卷六 建築 寺

三十四

金華集成堂代印

願克酬矣以告月峰知選佛場中皆  
大歡喜也因勒之貞珉永垂不朽云

福寧寺

在城南二十五里大洋源

舊在馬目山前

明嘉靖四十年縣人王

本龍暨僧文憲移建

大寧寺

在城南二十五里下竺源舊名大寧院明萬曆四十年僧

時序改建

金黃寺

在南小洋莊

資壽教寺

在城南四十五里石塘源吳越時

漢乾祐二年

僧普照開山

相傳普照於此拾得泥佛因建庵宋淳祐五年建明景泰二年修

清嘉慶十一年僧通源重修

法華寺

在城南六十里唐時開山

方干詩砌下松巔有鶴棲孤猿亦在鶴邊啼臥聞雷雨歸巖早

坐覺星辰去地低一徑穿緣應在谷千花掩映似無蹊是非生地多幽惱此日憑師爲指迷

元至元二十四年

### 僧法源建戊戌毀僧法俊重建

### 寶華寺

在和義門外寶華洲舊名法言寺四面環水中聳一墩上

建藏經閣清康熙五年知府劉茂先復建一閣於東額曰曇花界

### 竹木森繞名人遊咏甚多

俞贊皇詩瀝洄孤嶼小橋通帝釋樓臺相映紅聞道神龍來聽法一時佛號遍

虛空宋銚詩乘興尋春勝穿雲過佛龕危峯斜映竹曲水近通庵聽法皈三乘傳經叩二疊坐深情自愜魚影躍澄潭任風厚詩前駟半減扣禪扉仄徑瀝洄繞釣磯曉磬一聲僧入定澄波千頃鷺忘機嘗餘清茗疑烹雪步近蒼苔欲染衣敢謂湖頭公事了年來爭訟已全稀宋維藩詩一湖蒼翠護城灣高閣登臨畫掩關涓滴流來曹洞水雲烟推出米家山遊魚應濠間樂舉世誰知竹裏閒不謂使君多逸興尋詩終日竟忘還毛遠公詩城西數里路望見寶華洲一水環孤嶼千山入梵樓橋橫紅葉裏雨過黑雲頭野菊經霜老寒魚出凍遊虛窗波月起深苑貝花浮攀閣藏經滿開軒衆籟收遙看雙塔迴疑有雁王投毛士儀滿江紅詞出郭餘閒

### 建德縣志

### 卷六

### 建築

寺

三十五

金華集成堂代印

早看徧富春山色喜此地瀝洄孤嶼紅塵先隔泛棹忽搖鷗鷺影傾杯正滴魚龍脊儘西湖千頃滌煩襟風生腋談笑處楓林赤倡和處瓊華白見數椽梵宇波痕猶積勝境好留住佳客住夕陽又見歸樵急約明晨更探玉泉峯催遊屐

歲久就圯道  
光五年知府聶鎬敏改建寶賢書院今爲建德縣農會

### 資福寺

在武定門外宋慶曆中僧誠祖開山治平二年賜額奉藏

太宗御書元末燬明洪武十年僧純廣即舊址重建景泰中僧道

存葺知府張永識以詩嘉靖三十七年督學范維一檄知府韓叔

陽建三先生祠於寺左葺竹閣於山都綱正誥海日建本寺正殿

最爲附郭奇觀徐萃有詩後僧晉潤復於殿後建觀音堂並建睦

陵洞天亭於門外松柏交蔭青翠襲人益增勝覽今圯

據萬曆府志城西五

十里蓮花山下  
亦有資福寺

能仁寺 在資福寺側卽古能仁院寺有古鐘

九峯寺 在城西北裴家塢原為九峯庵後改稱寺寺旁有九峰井

宋寶元二年建文益禪師開山

趙抃詩龍邱石室人難繼安定書堂世莫登但見煙蘿最高處九重

排列一層層

基為縣人王嗣龍所捨政和五年毀僧自南重建山有九

峯環列故名元時楊維楨居此龍鳳間毀明洪武元年僧乾元即

舊基再建嘉靖中圯舊址為有力者所得僧道源移建於風礪橋

萬曆三十六年僧德欽力復古址清咸豐末毀民國八年秋里人

楊中規等醵金重建俗稱小九華

極證寺 在城西二十里盤常宋元豐中僧文友開山元至大二年

僧道隆建

建德縣志

卷六

建築

寺

三十六

金華集成堂代印

普光寺 在城西朱池唐貞觀中僧德威開山宋易名壽聖明洪武

十九年僧光顯建

古林寺 在十四都

依圓寺 卽依圓院在城西北四十里石樓山唐末僧可則開山宋

大德己亥秋僧行謙等建

徐師顏記古睦州距城西北四十里有山曰石樓俯仰環顧無非石也卓者如

楹橫者如鬪突者如臺嵌者如室層層焉梯矗峭峭焉壁立木瘦而蒼泉香而冽雖萬宇蘊隆之際清涼自若其為形勝天實造之

豈亦有所為而然耶山之趾有佛宮唐之季年有僧曰可則始請建依圓院額傍有巖洞能出雲為風雨歲旱禱於佛宮甘澍隨應

院僧證續曆四百年矣余弱歲常借榻讀書或倦而息則與僧徒倚眺望因諗魚板之下常不滿三百指無寸土粒粗惟仰給檀信

而已先君嘗割薄田四十畝以食之僧行昌師壽師圯卽確石請記辭曰不足記也俟有大長能豐其施使廚供不至乏興記之未

晚時宋景定壬戌也天啟元運余逐鹿東西行大德己亥以母憂家食行謙志洪仲可來告曰小院自先府君首以田入其後聞風

而施者接踵常住粗給至元庚辰仲可以衆力重構雲堂而佛宮藏室相爲表裏凜凜就壓己丑令弟詳議庀材鳩工撤而新之至於庫宇神廚率皆改置巖壑爲之輝煥雖有檀信十之六七別置一刹而我之風雨有庇巾盂不冷惟公之父子伯仲實先後之僧普明欲請於公不幸而歸寂敢繼其志以請余因思宇宙間事莫不有數况寺之廢興乎此山昔日浩有檀信之時而寥落藍縷不見其有餘今檀信十去六七而輪奐飛徒侶楚楚不見其不足且於郡城之西臨湖構庵名曰水月而爲遠近所信向事之消息盈虛難於測知如此則亦歸之數可也豈人力所能爲雖然未也齊民之家田不足周其飢桑不足周其寒已奔走征徭之不暇爲釋民徒有土田而無粟米布帛力役之征宮居而粒食優游以生死苟或怠棄於行業寧不辜上焉優崇之意焉故併書之以警後人云按是碑爲奉天大夫前建德路總管兼內勸農事鄭疇篆蓋書嘉議大夫前建德路總管兼內勸農事鄭疇篆蓋

竹林寺 卽臺子庵在城北三十五里右有七祖念佛放光臺明萬曆初建尋圯清順治間胥村王開泰等重建咸豐末又圯同治間僧諦廣募建

建德縣志

卷六

建築

寺

三十七

金華集成堂代印

玉泉寺 舊名玉泉庵在城北七里烏龍山麓宋時陳學古隸書榜其門門西有泉如噴玉泉右有亭名玉泉亭紹興八年移亭建性樂堂江公望有記寺有石佛歲久漸長所謂息石也明萬曆二十三年縣人蔡良士建靜舍於石佛之左三十五年知府毛志尹復

於泉傍建平廳三間題曰源頭活水

明張永詩一派寒流瀉玉壺山輝澤媚半塵無何當會作

神龍窟并作甘露活九區張元電詩石佛山巖古茅堂秋草深流雲棲塔頂飛絮貼禪心高閣懸鐙在危蘿礙日沈乘閒一登眺留

此壯 明季毀清順治中深谷重建計楠詩泉流潔似玉巖隙叩松關有句先題竹無人只看山樵

隨青峴上僧帶白雲還茶罷嘗蔬筍心閒境亦閒宋維祺詩擬著東山屐來探七祖禪巖鑄石作佛竹臥玉爲泉古樹留殘照虛村起暮煙懸知鐘定後應有一鐙傳柴爲櫬詩非風卽雨惜春歸絕頂山屏繡暮暉禪榻坐深碁局暖簷花吹向酒船飛萬家煙火愁

饘粥一寺香燈飽蕨薇欲借新 咸豐十一年毀於兵光緒八年知詩如鄭繪肯將裘馬耀輕肥

縣劉毓森屬縣紳陳元善吳逢慶嚴正鵠等醵金建俗稱石佛坳奉以地藏王

龍興寺 在城北三十里舊爲龍興觀原六朝古刹清康熙九年僧山暉改建成豐十一年毀光緒間縣人合資興之現住尼僧

吉祥寺 在城北三十里黃金礪寺前一松蔭蔽十丈數百年物也

旁有槐香家塾胥村王林讀書於此

清王六吉詩古陌通雙澗飛泉激石牙老魚知禮佛活水

任爲家清磐維摩座疎鐘趙老茶西來有何意隄裏盡桃花

鳳山寺 在城北四十五里蒲田舊名鳳山院宋雍熙中僧咸秀自西湖能仁寺來主法席緇徒益盛元延祐六年僧懷貴與其徒重建山門法堂應真閣釋之訢有記咸豐十一年毀光緒乙亥縣人

建德縣志

卷六 建築 寺

三十八

金華集成堂代印

吳俊敏醵金重建並置寺產

靈應寺

俗名水庫門

在舊府城隍廟西清道光二十九年大水知府陳泰來修城於是處掘得小石觀音因立寺水門上屢顯靈應咸豐十一年毀同治六年左營守備于連拔捐資屬縣人陳廷松等暨僧

善修募建並於山麓增建地藏殿光緒間善修又增建客堂於寺

西民國七年春王韜等設嚴社於此

胡大猷詩談兵而後更談禪歷劫微塵舞大千艾灸眉頭

忘殺戒蓮開舌底落言詮江平羅刹魔空擾山長菩提果欲圓不必祇園金布地屠刀放下便昇天

青峰寺 在城北七十里創於明清咸豐十一年毀光緒十二年重建

湖頂寺 在城北十七里創於宋時清咸豐辛酉毀於兵光緒十年

重建

白崖寺 在城南五十里與蘭溪交界寺前有塘中有紅鯽魚其色

可愛相傳有老僧放生所致

回龍寺 在城西三十里清光緒間縣人徐正觀等釀金建

大唐寺 在城北四十五里為唐時古刹中有古鐘

開元寺 在城外舊為開元院唐時建今圯劉長卿題元錄事所居詩幽居蘿薛情開臥紀

綱行鳥散秋鷹下人間春草生冒風歸野寺收印出山城今日新安郡因君水更清戴叔倫集梁耿所居詩到君幽臥處為我掃莓

苔花雨晴天落松風終日來路經深竹過門向遠山開豈得長高枕中朝正用才

庵 釋書有比丘尼問講師師曰女子削髮出家為比丘尼東晉因鐵索羅國尼至尚書仲杲女遂建鐵索寺於京中國尼自此始

俗稱僧舍為寺尼舍為庵

建德縣志

卷六 建築 庵寺

三十九

金華集成堂代印

仇池庵 在城內秀山東麓清康熙時建乾隆中圯胡書源詩莫是桃源路迷蹤直

到今風光春月老花氣曲藏陰止水偕心寂閒亭待客吟榛苓忻宛在重護白雲深古寺僧寥閬山房少寓居浪傳真福地空託注

神魚惠遠風斯渺濠梁跡未疎翛然忘物我天地一蘆廬許正綬詩移來萬古仇池穴步上層巖絕壁梯三月曉煙騰麥隴一江春

水接蘭溪胸藏邱壑情俱繪寢入雲天路道光五年胡述沛等重

建錢文起記仇池庵在秀山之麓上有秀亭下有秀池舊名仇園後名仇池蓋取九十九泉仇池仙境界也初為鄉宦柴氏別業

康熙中僧道初改建此庵名仇池仙鏡中供大士像東塑玉皇真武諸神西設亭軒繞以迴廊乾隆丁卯間壽昌葉正光復事修葺厥

後縣人喻景山等又於山坡建大士閣榜曰慈雲延全真主持香火此庵之所由來也遊斯地者每於雲林山靄中耳禽聲之上下

掬池水之清冷鵲水浮金龍山擁翠亭開八角塔列雙峯無不於憑眺時盡攬之誠梅城之驚嶺陸郡之普陀也歷年久遠修理乏

人風雨漂搖日就傾圯今者瓦破垣頽神像剝落凡在善信莫不怒焉傷之變堂胡君因堂上嚴慈首興善願遂承命鳩工庀材集

同人廣為勸募竭日之夜之辛勤肇始春三告成秋九見者莫不稱嘆曰是役也不惟神像整新且殿庭門宇曲榭長廊均於十數旬



間一律完固較舊日規模益高敞焉是誠黽勉從事善美兼全者歟 咸豐十一年毀光緒三年知府

宗源瀚改建庵東爲文昌宮并建浮瀾閣暨南材館二泉亭等處

光緒十一年知府吳世榮修十四年知府李士彬改爲西齋義塾  
民國六年重修改爲勸學所

梅花庵 卽梅庵在興仁門外桃花隄

毛際可詩客遊殊自好選勝及朝暾日喜朱明近風餘

白社尊避人將學佛傍郭尙疑村一水斜通徑雙峰遠對門荷香猶在葉松老欲浮根密樹殊涼燠疎鐘辨曉昏竹黏衣上粉苔試杖頭痕鳥語驚還定茶聲靜亦喧羊裘同結契支許自忘言徙倚遲歸屐幽懷未易論

舊名白衣閣明中丞

戴東旻建後圯清雍正五年僧德悟重建嘉慶中僧瑞祥修今圯

錦鱗庵 在興仁門外文昌閣後清嘉慶十三年僧瑞祥修道光三

年閣災僧人卽故址重建咸豐十一年毀光緒十六年知縣謝仁

建德縣志

卷六

建築

庵

四十

金華集成堂代印

澍改建先農壇並置文昌栗主於中縣紳張心穀董其事

普渡庵 在城東十里小里渡北岸渡稱最險值風浪舟不能濟行

人賴庵以止宿庵內有息產地貳拾餘畝清咸豐十一年毀於燹

光緒十五年柴望莊妻楊氏重建

觀音庵 在城東十五里庵前有井遇旱不竭清同治五年何玉堂

重建

倪家庵 在城東二十里

橫坑庵 在城東二十里

中坑庵 在城東二十二里

福慶庵 在城東二十五里廊下村清光緒初李殿元等釀金建庵

前羅漢松並柏石楠各一株皆大數拱

伏龍庵 在城東二十五里上公莊旁有古井

古道庵 在城東三十里梓里莊里人公建

永安庵 在城東四十五里明正統元年僧德華開山

水雲庵 在城東四十五里清光緒二十三年裏周莊里人公建

西峯庵 在城東北六十里馱頭嶺

凝瑞庵 在城東北六十里清同治二年毀光緒十二年建

萬壽庵 在澄清門外南岸明萬曆二十六年僧超廣開山朱之蕃

湯賓尹俱有題額蔡良士曾記其事清順治中修後圯乾隆五年

即故址重建

王齡昌詩紆迴小徑綠陰濃竹杪藤梢見遠峯欲識山僧清課早隔溪風便夜聞鐘夏基詩寂寄閒堂息

建德縣志

卷六 建築 庵

四十一

金華集成堂代印

夜蹤蒼苔帶雨葦門封煙花如錦增春色碧草埋雲過客筇溪上畫樓人徙倚籬邊亂竹鳥從容楞嚴一卷消清晝坐擁南峰望北

峰 復圯

石壁庵 在城南十五里清順治十七年建光緒十五年葉壽卿等

捐修並添建石闌

永通庵 在城南十五里赤樹嶺民國六年修

通鎮庵 在城南十五里

福勝庵 在城南大洋源

高慧庵 一作靈慧在城南二十五里馬目山高巖

和隴庵 在城南二十五里清宣統元年謝振和修

龍華庵 在城南烏淇

烏石山庵 在城南三十里楊村

皇山庵 在城南三十里

暘和庵 在城南三十里清順治十八年僧默章建尋圯僧堅悟修

嘉慶中僧廣瑞拓之道光二年知縣周興嶧改名萬靈禪寺咸豐

辛酉毀於燹同治甲子僧成雲募建尚有暘和外庵亦名西霞庵

雍正中建知府蔣林題額

蓮花庵 在城南三十五里舊名慧華清順治十四年僧一堅開山

嘉慶十七年僧綱司廣韶重建

福公庵 在城南三十五里清咸豐末毀光緒二十八年祝榮秀等

釀金建林壽齊捐田拾捌畝作為香火之資

建德縣志

卷六 建築

庵

四十二

金華集成堂代印

太平庵 在城南三河埠清嘉慶十二年建

尊宿庵 在武定門外唐僧道明織蒲鞋養母處黃巢南犯以術退

之人稱為陳尊宿因以名庵宋紹興中僧守越建明洪武二十年

僧純廣又建嘉靖三十七年僧延洪都綱延志復建萬曆三十九

年僧智通增建山門並修正殿知府呂昌期題額清順治中知府

袁一魁修康熙十四年僧西台募建今圯

小祇園庵 在武定門外三塘隴清順治八年僧如山開山道光二

十三年陳集賢釀金建咸豐二年陳達才修十一年毀於燹光緒

間重建舊管香火田共拾柒畝零山拾捌畝零

獅庵 在和義門外茶亭清順治十五年陳廷桂建

俞志虞詩禪林  
寂歷喜初晴偶

傍湖濱取次行折得蓼花還獨笑旋看翠竹悟無生波平遠浦後  
羣魚躍雲壓寒城一雁橫正是西風吹雨過山僧支石試茶鎗

水月庵 在和義門外西湖隄上爲依圓寺下院元至元間建早圮  
法雲庵 在和義門外裴家隄舊名臥雲清康熙十年僧智賢開山  
尋圮光緒間重建

優曇庵 在和義門外裴家隄口清康熙十一年陳家任建知縣項

一經曾記其事

胡體仁詩霽爽初開出郭遊殘花歷落遠嵐收路  
通禪境新蒲細雲接僧龕古徑幽孤嶂含青浮遠

浦寒泉拂黛繞芳洲鐘聲何  
處隨風度攜屐前溪數白鷗 今圮

東平庵 在城西十里埠清光緒二十四年潘仕珍等釀金建

鳳鳴庵 在城西十五里火燒隄口清同治間陳文才等釀金建

建德縣志

卷六

建築

庵

四十三

金華集成堂代印

廣仁庵 在城西十五里重建於清康熙間何士錦曾記其事

悟空庵 在城西二十里上山村清宣統元年邵培榮建

睦和庵 在城西二十里莊頭村民國元年洪兆德建

興源古庵 在城西二十四里山路莊與花橋相近清光緒間何裕

民等釀金建

蓮會庵 在城西十三都項棠隄

永濟庵 在城西十四都

德永庵 在城西二十五里黃盛葉家清光緒二十八年黃會昌等

釀金建

禪和庵 在城西三十里元大德間僧自育開山清同治五年徐兆

生等修

慈航庵 在城西三十里馬目灘頭清乾隆間圯於水駱承楷等建

永溪庵 在城西三十里潘村清光緒戊戌年謝劉氏捐建

三台庵 在城西三十五里大嶺上清嘉慶十五年洪彥珠等釀金

建

知縣楊亨復記興民之利除民之害宰土者職也然利非必有

所賜於民也凡事有所便於民者皆是也害亦非必有所擾於民也凡事之有不便於民者皆是也余泣斯土常念切於是苟爲利之所在必力爲興之害之所在必力爲除之邑之民感余之化亦皆勇於爲善焉縣之西鄉龍山源有大嶺者余問俗過之見其巔有古寺爲往來憩息之所其地極幽僻上下數里無人煙至此地者恒惴惴焉有意外之懼得此駐足人咸稱便且晨昏寒暑水火所需尤不可缺第其寺宇歲久就圯其鄉貢洪彥珠縣庠邵東銘謀復修建工鉅費多將集腋於其鄉以襄其事孝廉洪文中爲愆憑之丐序於余余樂其民之所甚便亦卽爲興利之一端也用撫數言勒諸石以爲其鄉之人勸

建德縣志

卷六

建築

庵

四十四

金華集成堂代印

清風庵 在城西四十里徐閑僧祥如建

福祥庵 在城西四十里長寧村清道光二十八年合村公建

報德庵 在城西四十里創自宋清光緒戊寅汪國本等重建民國

初年汪炳文等添造東西兩廊內有古井久旱不竭

紹義庵 在城西四十五里清乾隆十三年方大斯等釀金建

慈濟庵 在城西四十五里清康熙十一年僧容源募建

萬貫庵 在城西朱池對江明萬曆十年僧海潮開山

福緣庵 在城西避暑嶺舊名避暑庵清順治十七年僧德澄建光

緒十年方開揚等重建

廣德庵 在城西楊溪源坳山僧成孝募建別有黝山庵在下淮源

庵前有池

衛村庵 在城西五十里黃壩村口

松林庵 在城西五十里下滄灘清光緒二十一年徐洪昌建

天設庵 在城西五十里

神塾庵 在城西五十里郭村創自宋仁宗間清咸豐未毀光緒四

年許文清等釀金建

義湖庵 在城西五十里塘塢村上庵前有池畜五色鯽魚大旱不

涸清道光二十八年方榮澗等捐建

白沙庵 在城西五十五里白沙村創於明代清咸豐十年毀同治

六年黃成章等建光緒十四年黃佐廷添造頭門

建德縣志

卷六 建築

庵

四十五

金華集成堂代印

古高庵 在城西六十里清宣統元年謝振和修

翠微庵 在城西六十里清康熙十一年宋維藩建

黝山庵 在城西六十里原善道禪師靜室清順治六年僧恒蓮改

建光緒五年方開揚等修

圓覺庵 在城西七十里龍溪村巖峒山下水旱禱之輒應一名巖

峒廟

飛橋庵 在城西七十七里宋義民陳無爲建

衛城庵 在拱宸門外知縣項一經創建後圯清嘉慶中重建右爲

采霞宮祀呂祖咸豐未毀於燹

龍福庵 在烏龍山麓

阿育庵 在烏龍山黃沙裏清光緒十八年重建

茶亭庵 在烏龍山明隆慶四年僧真禪開山時煎茶以便行人故

名

靈峯庵 在烏龍山野豬坪民國一年建

茅庵 在烏龍山小隕清計楠詩晚雲留我住一徑入禪扉松影臥

欲到前峯去  
前峰暮靄霏

雷公庵 在烏龍山頂早圯明僧真悟重建前有池祈雨輒應清咸

豐十一年毀光緒元年知府宗源瀚屬縣紳陳元善鄭帶釀金重

建改名聖水庵住持寂金於光緒中添造齋廚并募置裏程莊民

田壹百貳拾柒畝零碑存烏龍廟

建德縣志

卷六 建築 庵

四十六

金華集成堂代印

雲居庵 一名盧家庵在烏龍山雷公庵下亦稱盧公庵唐時盧中

丞築茅堂於此吳融詩有土當今重忘情自古稀獨開青嶂路閒

簷迴鳥爭歸煙冷茶鐺靜波香蘭舸飛好移鍾阜蓼莫種首陽薇

樹密含輕霧川空漾薄暉芝泥看即捧蕙帶且休圍東郭鄰穿屐

西林近衲衣瓊瑤一百字千古見清機 宋仁宗康定時建庵尋圯明萬曆二十二年

重建三十四年知府毛志尹增建平廳清道光五年楊國榮仇上

林等復建宋維藩詩寺出雲霄外一山復一山山在疎樾中水流

洗耳間亦溯蒹葭悠然歌彼美篠迴風翛翛煙沉波瀾瀾豈唯地

境幽僧人更樸鄙探幽憩山巔旌陽曾至止丹爐火正紅玉京降

尺紙招彼騎龍君飄飄登帝所迄今已千年白鹿留遺址傍有聖

水潭其水清且泚旱則為甘澍我農獲休祉幽賞轉徘徊企懷惟

石 髓

粉泉庵 在城西北烏龍嶺庵下有泉從石竇出色白如粉清咸豐

間毀同治十二年潘智泳建改名永福民國三年智泳子承瀚奉  
母命重建需費約千餘金夏日施茶行人便之

白雲庵

三有

一在烏龍嶺脚清康熙元年僧海德建道光四年胡友三

等修咸豐十一年毀光緒間包汝超暨潘智泳等釀金建一在城

南楓樹嶺明萬曆中建今廢一在城西五十里明萬曆三年許弘

橡建清咸豐十一年毀光緒十年許文清等釀金建

睦和庵

在烏龍山離臺子巖二里

福嚴庵

在城北牌樓莊僧智燈開山清道光初沈國祥仇正邦等

捨山捐建嘉慶間僧禪慶修尋圯光緒間重建

永慶庵

在城北三十五里騎龍橋向為佛殿後將前殿改奉唐張

建德縣志

卷六

建築

庵

四十七

金華集成堂代印

巡清道光間重建

縣紳蔡兆輅疏竊惟韻宣萬石集金聲玉振之  
大成地證三摩結蓮社竹林之小憩是以嘈呶

鏗鞀六律調景王之鐘清淨莊嚴十笏拓維摩之舍制作仿諸鳧

氏鼗鼓載詠維鏞事有藉於鳩工梓材樂觀作室則有裏何騎龍

橋永慶庵者以菩薩而現宰官本神棲而臨佛地林泉翳鬱尋源

遠泝胥山香火靈長降神上應張宿當豕突狼冲之日爰舉義旗

迨量沙煮鎧之秋獨嘗苦膽隕涕元皇之廟授命睢陽之城飲恨

賀蘭南八是奇男子甘心尹賊常山真烈丈夫惟其稟兩間之正

氣故能成一代之偉人宜其觀表雙忠事與許侯合傳靈昭萬古

供偕彌勒同龕也然而邀神貺必壯神威豐神物乃和神聽陰風

起而靈旗閃恍聞夜半軍聲椒漿奠而筍簾簾徒盼空中甲馬遂

令音沈法鼓韻寂齋魚一百八聲未聆蒲牢之吼二十五點惟傳

蓮漏之鳴欲契聞根端憑仙響至若春秋之社祝釐之辰禱祀心

虔六邑盡聞風而至旃檀頂禮四方皆膜拜而來幾乎人寬似海

屋小如舟杜工部願闢萬間蘇內翰笑無坐處既非屬遊觀之所

當別營庇覆之區甲寅冬余遊其地司事諸君乞弁言於左余惟

為善最樂植福有基矧靈應之久昭自布施之恐後爰是佈告同

人傾囊飲助鐘則重引千鈞聲弘實大宮則堵環一畝几淨窗明

第溟渤九萬程非鷗汀所能益泰華五千仞豈螳垤所能成伏願  
施捨仁人善信男子水分功德定知地上錢流園設喜歡如覩指



端塔現鼓鑄而芳名並壽福不唐捐創修而廟貌聿崇禮隆殷薦聊借豐干之舌用代阿難之鉢云爾

高池庵 在城北四十里二公嶺一名牲牲寺

鎮龍庵 在城北六十里清嘉慶十九年陳萬青等建並增建文昌

武曲二闕題其額曰二聖殿

觀 道宮謂之觀史記封禪書仙人好樓居上令長安作蜚廉桂觀甘泉作益壽觀

玄妙觀 在城內西北唐景隆中建原名龍興宋大中祥符元年改

名天慶四年詔即天慶觀建殿以奉太祖歲時朝謁著於令紹興

中知府顏重葺 並銘其鐘後觀元元貞元年詔易江南諸路天慶

觀為玄妙觀元末毀明洪武初李文忠即故基改建玉皇殿永樂

宣德正統天順間相繼興復增建兩廡殿西為紫微樓下為真風

建德縣志

卷六 建築 觀

堂左右為景星樓東為迎仙館南為三清殿又南為治事廳規模

壯麗為一郡偉觀崇禎中推官馮秉清修明末毀於燹清康熙二

十年知府任風厚重建置月臺下班亭二座前葺大坊坊外左右

各立下馬石為文武官員祝聖之所改曰萬壽宮乾隆十九年知

縣王賓修咸豐四年知縣裕英屬縣紳陳達才嚴國華重修十一

年毀

鳳翔觀 在城西三十五里朱池宋寶慶中請分水縣廢額建後毀

於燹

西真觀 在城西五十里宋寶慶丙戌道士諸葛與權請遂安縣廢

額建何夢桂曾記其事別有洞真觀今廢

趙抃詩木落巖洞冷泉籠玉殿寒樓真無一事

清嘯倚  
闌干

坊

下列各坊被毀居  
多今仍舊志載入

漢富春治坊 在舊縣治前原名司牧明萬曆十一年知縣俞汝爲  
改建

靈應坊 在舊府城隍廟前

庇民佑國坊 卽福善禍淫坊在舊府城隍廟前

里仁坊 在舊縣治西因宋諫議大夫江公望所居故名

雙桂坊 在舊縣治西舊名仕義宋元豐八年爲倪直侯倪直儒兄  
弟同登進士第建

純孝坊 在縣治西舊名集賢宋紹興九年爲孝子徐明建改名誠

建德縣志

卷六

建築

坊

四十九

金華集成堂代印

孝後又改今名

善政坊 在縣治南舊三元橋東原名崇仁宋淳熙中改爲惠政明  
宣德十年通判陳良改今名

善教坊 在舊三元橋西原名崇化宋淳熙中改今名

安泰坊 在善教坊南宋淳熙中建

英達坊 在縣治西北舊州學前原名秀士宋淳熙中改爲育英尋  
又改今名

富春坊 在興仁門內明洪武中知府劉遵道建成化十一年知府  
朱暄重建

富壽坊 在興仁門內正東街名原易俗宋淳熙中改爲阜俗明成

化十五年知府朱暕重建改今名

輯睦坊 在後歷橋原名黃浦宋改今名明成化中朱暕重建

陵仙坊 在縣治西北相傳為康希銑飛昇處宋淳熙中建

福善坊 在縣治東宋淳熙時建

字民坊 在舊縣治前宋淳熙中建

肅民坊 在和義門內原名和平

桂華坊 在縣治北舊梓潼祠偏西宋淳熙時建

清靜坊 在縣治西北天慶觀東宋建

遷善坊 在縣治西北兜率寺南宋建

安樂坊 在縣治西北純孝坊內宋建

建德縣志

卷六 建築坊

五十

金華集成堂代印

建安坊 在縣治東北建安山下

解元坊 在舊府學前明洪武間知府潘惟學為己卯正科本省鄉

試解元何海建

梯雲坊 在縣治西明永樂十八年知府葉溥為舉人孫墳建

凌雲坊 在縣治西南明永樂時知府潘惟學為舉人陳禮建

鍾秀坊 在縣治前狀元坊下明永樂間知府潘惟學為舉人張昱

建

進士坊

有五

一為明永樂二年進士烏濬建一為天順四年進士徐懷

建一為成化十四年進士蔣泰建一為弘治十五年進士何渥建

一為正德三年進士王浚建

登雲坊

三有

一在城東明永樂十五年知府李興為舉人柴宗直建一

在縣西南九都永樂間為舉人何琮建一在縣前天順二年知府

劉綱為舉人馬思義建

毓英坊

在縣治東南明宣德時知府張毅為舉人唐禧建

化民坊

在城東街舊名仁政明宣德間知府萬觀重修改名道德

成化七年知府朱暄再修改今名

成俗坊

在城西街原名宣化明宣德間知府萬觀改名齊禮成化

七年知府朱暄重建改今名

太史坊

在縣治西明宣德四年知府張毅為翰林院檢討傅宗建

登俊坊

在純孝坊南明宣德四年知府張毅為舉人傅宗建

建德縣志

卷六

建築坊

五十一

金華集成堂代印

親仁坊

在縣治東明正統元年知府萬觀重建

傳芳坊

在輯睦坊內明正統三年知府萬觀為舉人詹好信建

好信

永樂舉人詹叔長之子故名傳芳

文魁坊

在城東偏明正統三年知府萬觀為顧端建

畫錦府

在縣治東明正統間知府萬觀重建

聯桂坊

在富壽坊東明正統七年知府萬觀為進士郎勝建

勝永樂甲

申進士慶從子故曰聯桂

冠英坊

在縣治前明正統十年知府黃澍為進士柴文顯建成化

十三年知府朱暄重建易名進士

觀光坊

在縣治東明景泰元年知府劉綱為庚午舉人滕志學建

侍郎坊 二有 一爲明天順間徐懷建一爲正德間王浚建

興賢坊 在縣治東知縣劉傑建

仁民坊 在縣治西知縣劉傑建

育才坊 在舊縣治東偏

步蟾坊 在縣治東南明成化十三年知府朱暄爲舉人蔣泰建

觀國寶坊 在備石巷明成化十四年知府朱暄爲永樂舉人宋顯

成化舉人宋澄建弘治間知府李德恢重修

喬梓聯芳坊 在城正東街明成化二十年知府江豫爲進士郎勝

郎滋父子建

擢英坊 二有 一在縣治西北明成化間知府邵珪爲舉人方塘建一在

建德縣志

卷六 建築坊

五十二

金華集成堂代印

西鄉十三都景泰元年爲舉人許鑾建清光緒甲申許文清許傳

綸許文柱許思機等釀金重修

步瀛洲坊 在縣治前正街明成化二十三年知府江豫爲舉人楊

琦建

司諫坊 在縣城內明弘治庚午知府胡韶爲吏科給事申郎滋建

秋卿坊 在舊府學東明弘治四年知府李德恢爲南京刑部侍郎

徐懷建

都憲坊 在縣治西明弘治間知府李德恢爲右副都御史徐懷建

雙豸坊 在縣治東明弘治四年知府李德恢爲河南僉事郎慶福

建副史郎勝合建

鵬飛坊 在縣治東明弘治間知府李德恢爲舉人楊欽建

諫垣坊 在縣治東明弘治間知府李德恢爲給事申郎滋建

甘棠坊 在澄清門內西街

二世承恩坊 在城內明弘治九年知府李德恢爲山東兗州府通

判邵廷貢建

世登金榜坊 在城東街明正德十年知府陳策爲進士郎慶郎勝

郎滋建

兄弟進士坊 在縣治西爲明正德丁丑進士俞夔嘉靖癸未進士

俞稷建

刺史坊 爲黎平知府鄧椿建

建德縣志

卷六 建築坊

五十三

金華集成堂代印

經魁坊 三有 一爲明正德庚午科第四名舉人王秉中建 一爲明嘉靖

壬午科第二名舉人陳塘建 一爲清乾隆己酉科第四名舉人洪

文中建

科甲連登坊 在城內明正德十二年知府王雲爲俞夔建

大方伯坊 在縣治西爲明布政使俞夔建

繡衣坊 在大街爲明御史俞稷建

叢桂坊 在城內明嘉靖二年知府張元電爲成化丁酉舉人楊琦

丙午舉人楊滔弘治乙卯舉人楊欽建

彩鳳聯飛坊 在華光樓北明嘉靖四年知府蔣淦爲舉人柳本泰

徐汝圭建

三鳳坊 在城內明嘉靖甲午知府盛應陽爲正德己卯舉人魯承恩嘉靖甲午舉人陸應龍邵萬建

大中丞坊 在縣治前明嘉靖間知府吳世澤爲右副都御史王浚建

雲達鳳彩坊 在城西十二都明嘉靖丙申知府吳世澤爲同知王建建

激濁坊 在縣治東南舊察院前明嘉靖己酉知府莊壬春建乙卯年修

揚清坊 同上

思范坊 在武定門外思范亭前明嘉靖己未知府韓叔陽建

建德縣志

卷六 建築坊

五十四

金華集成堂代印

三俊登庸坊 在城正東街明隆慶二年知府戈九疇爲丁卯舉人戴震亨余乾貞何守成建

屏翰坊 明隆慶間知府周鐸建

保釐坊 同上

興賢坊 在舊府學前明萬曆四年丙子知府陳文煥建

育才坊 同上

攀龍附鳳坊 卽仰聖坊在孔子廟前明萬曆三年知府陳文煥建  
清道光五年修

清時俊彥坊 在太平橋下知府陳文煥爲舉人徐汝達柳鳳梧徐鳴陽范思正余焯毛一瓚王尙廉方應時蔣時慶陳涪等建

名高兩浙坊 在靈順廟左爲明萬曆戊子科解元蔡應龍及同榜  
吳一棾徐鵬程建

八士聯翹坊 在縣治前爲明萬曆舉人孫一俊邵子謙鄧美政王  
邦梓何道安方世德方學龍余學文建

文衡官鑑坊 在東門外爲明河南正典試吏部員外郎柴挺然建  
符臺坊 在城南魯塘村爲明尙寶丞唐勝建

百歲坊 二有 一在西鄉大源明嘉靖間爲徐珂建 一在南鄉大洋爲童  
容遠妻蔣氏建

國醫坊 在和義門內明弘治六年知府李德恢爲御醫方叔和建  
九世同居坊 在興仁門內明弘治間知府李德恢爲何永敬建隆

建德縣志

卷六 建築坊

五十五

金華集成堂代印

慶四年知府戈九疇復旌表其門曰義門萬曆三十五年被毀知  
縣毛志尹重建

遺愛坊 二有 一在澄清門內舊名棠陰宋淳熙中爲推官夏鼎建 一在  
武定門內明萬曆間爲推官季完建

承流坊 在縣治東明成化十二年知府朱暄建嘉靖己酉知府莊  
壬春重建萬曆間知府陳文煥修

宣化坊 在縣治西明景泰六年知府劉綱建嘉靖己酉知府莊壬  
春重建萬曆間知府陳文煥修

世芳坊 在城正東街明成化二十二年知府江豫爲侍郎唐泗尙  
寶丞唐勝建



大方岳坊 在舊縣治後明嘉靖甲午爲王浚建

憲臺坊 在縣治西偏明嘉靖甲午知府盛應陽爲愈夔俞稷建

斯文在茲坊 在第九中學校右偏舊府學仰聖門前明萬曆十年

知府鄧起宗建

純孝格天坊 卽作忠資父坊在縣治南大中丞戴東旻爲封公禮

部祠祭司員外郎戴啟祥建

先覺名儒坊 在正大街爲封公柴時暢建

祖孫科甲坊 在正東街爲明舉人宋顯宋澄貢生宋應奎宋邦機

進士宋賢建

世都憲坊 在城內爲明宋應奎宋邦機宋賢立

建德縣志

卷六 建築坊

五十六

金華集成堂代印

貞節坊

有三有

一在縣西大源明弘治四年知府李德恢爲徐宗賢妻沈

氏建一在縣治前西偏弘治四年知府李德恢爲監察御史柴文

顯妻余氏建一在縣東公村爲宋其才妻徐氏建

雙節坊

在舊縣治東明萬曆初知府陳文煥楊守仁爲旌表徐行

妻王氏徐衢妻周氏建

節孝坊

有六

一在節孝祠前清乾隆中爲闔邑旌表各節婦建一在縣

治西明萬曆三十年知府劉煥爲唐良正妻張氏建一在縣南何

宅爲何兆楠妻陳氏建一在縣北仇村爲仇鼎妻錢氏建一在前

陵爲何秉心妻徐氏建一在上闡爲施其懋妻郭氏建

尙義坊

在縣北牌樓莊明天順中奉勅爲義民仇文政建

古放生池坊 在和義門外知府錢廣居建

孝子坊 二有 均在南鄉高垣村一清道光丙午年為廩生吳文樸建一

咸豐甲寅年為乾隆辛酉舉人吳文邁建

西園安處坊 在縣東下公莊為晉開國侯宋興建

承恩坊 在縣南四十五里清乾隆十六年為義士鄧榮勤鄧榮學

兄弟建

五藩秉憲坊 在縣南四十五里明萬曆間為太僕卿鄧美政建

雙節流芳坊 在縣東北港南村清乾隆三十五年為職貢馬鈞妻

何氏並儒士馬錡妻吳氏建

凌霄一鶚坊 在縣北裏何莊清乾隆己酉浙江學政竇光鼐為經

建德縣志

卷六 建築坊

五十七

金華集成堂代印

魁洪文中建

扶搖直上坊 在縣北早胡莊清乾隆九年知縣上官德輿為甲子

科舉人錢玉森建

清朝耳目坊 在縣治前明萬曆丙辰建

三元坊 在縣治西明成化戊戌為商文毅輅建後毀於火清道光

間重建

許正綬詩見坊如見哲人存回祿無情歷劫痕豈可嚴州失冠冕果然商氏有兒孫一朝柱石新巍煥十里城垣壯

翰藩我仰斗山甘效指井蛙識陋不須論

世柱史坊 在興仁門內為明余惟賢余仕洪余思賓余乾貞建

東粵屏藩坊 在城北梅塘村為廣東布政使司吳謙誌建

教場坊 在武定門外大教場即清之校閱處

冢 縣屬向有施棺掩埋各善舉其名不一有建昌殿同善會者起於清康熙初經朱冕等釀金置買澄清門內舖屋二家年息八兩合各善士樂輸者每歲施給棺木其屋一在南門東一在南門西乾隆間二屋毀於火東基捐改土地廟西基由舖戶林洪裕自造仍賃本會租金貳兩肆錢嘉慶十七年冕侄啟韜復集同志增買民田貳拾畝地壹畝伍分備石巷東首舖屋一間半道洪東首舖屋一間供稅收花施棺外並施放燄口又有普仁堂者係道光二年由胡述沛等釀金置買二保地字五十一號五十三號土名長巷口舖屋一座計基捌釐壹毫零並置五保字字十二號土名半道洪舖屋一座計基叁分伍釐伍毫與同善會並為施棺之用咸豐末俱罹兵燹同治九年縣紳朱杭等查出科甲坊基壹分正三保元字一百一十一號租與汪順隆起造又基捌釐正三保元字一百一十二號租與明德堂起造又南門內林洪裕基伍釐陸毫叁絲六保宙宇一百六十四號土名輯睦坊租與寶泰正豐二煙舖又查車衙下基貳分貳釐貳毫玖絲二保荒字四百五十八號又查出青山莊田拾肆畝零光緒元年知府宗源瀚又撥善後項下錢壹百貳拾千文作為施棺掩埋費年久易失以與義冢有關因備志之

一在興仁門外明成化間知府朱暄市民地為之名漏澤園弘治間

建德縣志

卷六

建築

冢

五十八

金華集成堂代印

知府李德恢修嘉靖間按察僉事譚啟文拓之五門各置一處清康熙七年知府梁浩然捐民田數畝重立義冢碑知縣項一經復阡於義冢之南捐置民地數畝名廣孝阡二十一年知縣戚延裔又置叢冢於廣孝阡之南

一在澄清門外施家埠離城二十三里清同治二年知縣曹和澍設難民粥廠於該埠時疫流行全數盡歿河畔隙地權作厝所日久水淹十年知府宗源瀚倡捐錢肆拾千文令知縣許威捐廉屬縣紳陳元善釀資督工檢收枯骼并擇高阜地阡葬三大義冢

一在和義門外教場路邊清同治二年分設粥廠於金華會館時疫流行難民盡歿浮葬福運門溪沿十年知府張鑑南倡捐飭黃浦

莊董沈廷鏞督工檢收枯骼移葬是處作爲三大冢

一在拱宸門外清嘉慶二十五年署知縣劉西山勸諭捐貲掩埋暴露屬胡述沛等承辦名同仁堂每年冬季查檢暴露編號掩埋道光二年知縣周興嶧置易拱宸門外昭德寺基作爲義冢公地定界立石同治七年知縣沈寶恒檢收合城隙地枯骼計五千餘斤屬縣紳陳元善又於赤山下監工立冢

一在武定門外由歷任知府江擢蔡珠王廣益蔣林知縣張孚玉各官捐置義冢合地拾貳畝肆分零年久漸滿清光緒庚寅署縣事張炤在冢旁拓荒基伍畝閱數年叢葬又滿二十三年知縣吳俊稟奉知府賀良樾又在冢旁拓荒基柒畝零並添建義厝一所需

建德縣志

卷六 建築 冢

五十九

金華集成堂代印

欵叁百餘金

吳俊記署郡城小西門外舊有義冢一區不知置自何代早已纍纍滿前無少隙地徒有義冢之名而已

光緒庚寅前署任張公炤適清丈小西門外官地因以冢旁荒基伍畝零稟作義冢奉準後勘釘四界迄今六年添葬又滿余承乏斯土於地方應爲之事未嘗不切切在抱徒以齒暮才疎無裨民社是用內愧一日與郡紳談及義冢擬蓋屋三楹使卜葬之地者得以暫厝而地方貧瘠無可籌挪乃倡捐廉銀合籌集共叁百數十金令諸紳董其事余又履勘其地毗連空基尚有柒畝零稟府一併撥作義冢是役也共築牆一百十四丈有奇新建權厝平屋三間其經理出力者爲陳紳元善吳紳逢慶嚴紳正鵠朱紳憲誠恐所撥官基年久失考爰將先後奉撥地號畝分畧志於此一地壹畝壹分二荒一千二百號一地叁畝玖分柒釐陸毫二荒一千二百一號一地壹畝捌分正二荒一千二百一號一地肆畝柒分陸釐柒毫二荒一千二百四號一地伍分二荒一千二百三號土名皆在 舊府前 二十七年浙江巡撫余聯沅捐俸貳百兩作慈善費由縣

紳朱憲稟請知府劉宗標撥歸義厝添造邊房三間民國三年縣紳胡巽和見厝屋漸圯命子義恒重葺

墓 他縣志墓大都以兩浙名賢防護錄為據但窮鄉僻壤往往死

士之隴足敵生王之頭其有政跡彰於他省或奇行著於一方者自應據實羅載

漢會稽太守朱買臣墓 在縣西四十里朱池西幽徑山

晉開國侯宋興墓 在縣東南十里苔溪 元推官宋夢鼎誌宋氏得姓微子秦漢以來世居京

兆分布九域晉因魏制品量氏族以宋氏為四海大姓其來遠矣五胡之亂中原士夫避地金陵我弘農太守哲受愍帝詔命瑯琊王總攝萬幾是為東晉元帝我冀州刺史興統兵護龍同時渡江兄弟三人有大勳勞弘農公哲封定國公長弟抽廣州司馬封忠國公次弟興封開國侯食邑於睦開國公村卒葬苔溪之濱賜建家廟至今歷歷可考也夢鼎適忝郡推官訪求公村宗黨相與謁遠祖之墓於苔溪之澗木刊石發葬焉可為嗟悼拜奠之餘用加封固立石以表其阡曰晉故冀州刺史西河郡公開國侯宋公之墓俾知崇本敬先之道不可廢云

唐孝子何起門墓 在縣南馬目山麓

建德縣志 卷六 建築 墓 六十 金華集成堂代印

都官郎中宋恕墓 在縣東公村後山

太常寺少卿宋袞墓 在縣東宋村山

青州太守宋堅墓 在縣東公村後山

宋翊忠侯潘世雄墓 在蕙巖山麓

集賢殿大學士宋忠墓 在縣東公村明堂邱

五經博士宋昊墓 在縣東公村家廟後下坑柏樹園

吳奐之墓 在縣北鳳山寺 魏國公潛子元初避難居此

進士濮桂發墓 在縣東洪嶺狀元隴

承議郎光州路通判汪虛中墓 在縣西神青山

諫議大夫江公望墓 在縣東三都江村山麓

工部員外郎提舉浙東常平喻樗墓 在武定門外舊龍泉庵後

戶部侍郎馬大同墓 在縣東公村大塘隍

海軍節度推官趙彥肅墓 在縣南中塘村前牛角山

大理卿周三畏墓 在縣北小巖山

樞密副使孫沔墓 在和義門外桐樹隍

張七墓 在縣西張頭村

元總管俞文明墓 在澄清門外南山郎中林

總管魯顯墓 在拱宸門外鳳凰山

明工部侍郎唐宗魯墓 在縣南桐溪

福建左參議魯謙墓 在武定門外

建德縣志

卷六

建築

墓

六十一

金華集成堂代印

直隸揚州府同知錢見堯墓 在縣北九里畝三角彎

法師章蘭墓 在縣北九里畝村後

義士仇文政墓 在縣北外源村後

河南按察司僉事郎慶墓 在青山壇石埠

戶科給事申郎希墓 同上

福建鹽運使晉中議大夫贊治尹徐述墓 在拱宸門外排子山

贈福建按察使原任建寧府知府張瑛墓 在縣南馬目山

貴池縣知縣阮士進墓 在武定門外三塘隍口

平樂縣知縣應達墓 在縣南九都

贈資政大夫徐文玉墓 在縣西龍山鄉

贈資政大夫徐宗政墓 同上

南京刑部侍郎徐懷墓 在拱宸門外新廟隴 欽賜祭葬

孝子徐璠墓 在縣東公村大塘隴黃山麓

四川松潘參議傅宗墓 在拱宸門外排子山

兵部職方清吏司主事夏肅墓 在興仁門外碧溪隴

御史柴文顯墓 在拱宸門外澄溪道院前

都察院經歷宋顯墓 在澄清門外南岸鄭家隴

贈資政大夫王金墓 在武定門外舊龍泉庵前

刑部右侍郎王浚墓 在拱宸門外新廟隴口 欽賜祭葬

贈通奉大夫原任伊府紀善俞廷貴墓 在裴家隴

建德縣志

卷六 建築 墓

六十二

金華集成堂代印

江西布政使俞夔墓 在武定門外裴家隴屏風山

河南道監察御史俞稷墓 同上

高淳縣知縣宋澄墓 在拱宸門外宋家坪

封廣東道監察御史郎澄墓 在青山壇石埠

福建按察使副使郎勝墓 在縣南桐溪鄭家隴

惠州府知府郎滋墓 同上

高要縣知縣何渥墓 在縣南馬目山

松江府同知黃建墓 在十二都江村

黎平府知府鄧椿墓 在縣西南馬目山

贈湖廣永州同知魯鎮墓 在拱宸門外揉蘭隴

都勻府知府魯承恩墓 同上

刑部主事陳塘墓 在縣西十里埠赤兔嶺

鄱陽教諭俞淳墓 在澄清門外南山郎中林

贈河南參政原任永新縣知縣戴震亨墓 在武定門外道場山

贈河南參政孝子戴啟祥墓 在縣東苔溪

僉都御史鄖陽巡撫戴東旻墓 在興仁門外碧溪隄

楚府紀善俞有詔墓 在十三都穀樹隄

長沙縣丞俞寰墓 在縣東三都張周治隄

太僕寺正卿鄧美政墓 在十一都

贈汀州府推官原任鎮沅經歷馬如雲墓 在縣西龍山鄉

汀州府推官馬中駮墓 在縣北蓮塘

南豐縣知縣邵有建墓 在拱宸門外排子山

上高縣知縣柳本泰墓 在縣南九都灌浦

王府長史陳道墓 在興仁門外大郎隄口

都昌縣知縣張受孔墓 在七都三河

宗人府儀賓陳希文墓 在興仁門外二峯麓

贈奉直大夫柴時暢墓 在縣西鶴臯山

吏部主事河南典試柴挺然墓 在拱宸門外龜山

太原府同知李如鴻墓 在拱宸門外揉蘭隄

建德縣教諭孫振芳墓 在興仁門外文昌閣右



江南徐州衛經歷施王業墓 在縣東三都外泮溪前隍山脊

贈通議大夫宋應奎墓 在拱宸門外排子山

通議大夫宋邦機墓 在縣南黃泥突

象州知州陳熙廷墓 在縣南邱婆尖

山西巡撫晉兵部侍郎宋賢墓 在拱宸門外

清邳縣知縣邵子灼墓 在龍溪大彎山

知州楊滔墓 在縣南八都烏旗山

山海關總兵朱萬壽墓 在興仁門外碧溪隄口

贈奉政大夫詹應夔墓 在縣西十七都白兔嶺麓

江西提學道詹惟聖墓 在縣南九都裏塘畝

建德縣志

卷六 建築

墓

六十四

金華集成堂代印

贈文林郎夏致遠墓 在武定門外裴家隄屏風山

海康縣知縣夏日昌墓 在縣南桐溪裏陳坪

贈行人司行人何尙賢墓 在縣北烏龍嶺後

行人司行人何士錦墓 在縣西緒塘村

武進縣知縣馬揚明墓 在壇石埠

贈詹事府司經局正字王家泰墓 在縣南官塘頂

詹事府司經局正字遷太子洗馬王齡昌墓 在縣南任家隴

贈徵仕郎馬從恒墓 在武定門外裴家隄

江西新城縣知縣陳學聖墓 在縣南莊家山

贈奉直大夫蔣子貢墓 在縣南七都魯塘

贈禮科給事中詹開禧墓 在縣東二都周監隄

工科掌印給事中詹嗣祿墓 在縣西十里埠小廟前

贈文林郎宋鈺墓 在縣南桐溪隄口

贈文林郎宋洽墓 在縣南平蘇山

贈文林郎宋之灃墓 在縣南桐溪隄

翰林院左春坊左贊善宋楠墓 在邱家隄

贈中憲大夫吳一士墓 在縣北大畝鮎魚山後

贈中憲大夫吳瑜墓 在縣北乾潭外中保山

廣東布政使司布政使吳謙誌墓 在縣北乾潭外中保廟後

贈懷遠將軍姜廷桂墓 在興仁門外碧溪隄

建德縣志

卷六 建築

墓

六十五

金華集成堂代印

贈明威將軍姜國祥墓 在興仁門外碧溪隄

江西建昌遊擊姜光祖墓 在縣東公村虎塘隄

澄城縣知縣張雲鶚墓 在縣東三都和村

延川縣知縣張雲鵬墓 同上

贈武功將軍段美芝墓 在興仁門外水門前

贈文林郎應垣宿墓 在縣南九都黃石埠

贈文林郎應尚友墓 同上

平樂縣知縣應德廣墓 同上

臨潼縣知縣沈逢舜墓 在縣西鶴臯莊

興業縣知縣錢玉森墓 在縣北黃權隄

四川天全州知州徐時敏墓 在縣西楮木隄

蕭山學訓導王嶼墓 在縣北莆田畝

嚴協營守備阮章墓 在縣西楊溪

孝子吳文樸墓 在縣南陳村莊戲臺山

臨江府知府姚任道墓 在拱宸門外烏龍山

贈武信佐郎夏有相墓 在興仁門外獅子山麓

贈武信佐郎夏繼祖墓 同上

大荆營守備夏國祥墓 在拱宸門外烏龍廟前

於潛學訓導夏長慶墓 在縣東下二都三角塘邊

孝子吳文邁墓 在縣南麻車莊擇子嶺

嘉慶十七年旌

建德縣志

卷六 建築

墓

六十六

金華集成堂代印

餘姚學訓導夏淮墓 在縣南十里外吳村

進士洪文中墓 在縣北早胡嶺楊家埠

嘉興府教授蔡兆輅墓 在縣南洋潰莊石屏山裏擇樅下

開化學訓導張心穀墓 在縣南茅草隴張家山

翰林院編修張廣居墓 在縣南姜山莊佛隄廟前

四川南溪縣知縣翁文源墓 在縣南姜山莊普濟寺前

武顯將軍曾清遠墓 在武定門外教場山

定海總兵

嚴州府知府于鼎培墓 在城南大洋謝坑山

宣統間郵傳部尚書式枚之祖

